

891.99-82

F-26

1931



ԱՅԼՇԵՎԻԿՅԱՆ

891.99-82

F-26

ԲԱՐՆԱՆԱՑԱՆ

ԱՐՎԵՍՏԱԿԱՆ  
ՂՈՎԱԾՈՒ



ՄԵՏՆՐԱՏ 1931 ՅԵՐԵՎԱՆ

71655

01 JAN 2009

-6 NOV 2011

ՀԱՅԱՍՏԱՆԻ ԳՐԱԴԱՐԱՆՆԵՐԻ ԱՍՏՈՑԻԱՑԻԱ

891.99-82

F-26

114

1464

ԲԱՅԼՇԵՎԻԿՅԱՆ  
ԳԱՐՆԱՆԱՑԱՆ

(ԳՐԱԿԱՆ-ԳԵՂԱՐՎԵՍԱԿԱՆ ԺՈՂՈՎԱԾՈՒԹՅԱՆ)

121  
=

ՀՍԽՆ - ՍՍՏՐԱ  
Գ. Ս. ՄԱՍՆԻԿՅԱՆ  
ՄԱՍՆԻԿՅԱՆ ԱՆՎՈՒՄԸ

ՄԵՏԱԿԱՆ ՀՐԱՏԱՐԱԿԶՈՒԹՅՈՒՆ

ԵՐԵՎԱՆ - 1981

13810-57

ՊԵՏՏՐՍԻ ՏՊԱՐԱՆ  
ՀՐԱՏ. 1552  
ՊԱՏՎԵՐ 1360  
ԳՐԱՌԵՊԿԱՐ 6273 (Բ)  
ՏԻՐԱԺ 4000

# Կ Ա Ծ Ա Ն Ը

1.

Ճանապարհն արտերի արանքը կտրելով գյուղ եր մտնում փոշոտ մեջքով: Ամառ ժամանակ արևը չորացնում եր ճանապարհը և անցորդի յետևից փոշի յեր բարձրանում: Իսկ յեթե դարուն կամ աշուն լիներ, ցեխն անձրևաջրով հազեցած պլպլում եր ճանապարհում: Այդ ժամանակ անցորդը վտռերի թաթերը լրիվ խրում եր ցեխի մեջ: Նա տնքտնքալով յերկար քաշում եր վտռերը և հազիվ հանում, տրեխներից մեկն ու մեկը թողնելով այնտեղ:

Փոշոտ ճանապարհն արտերի շարքերով չըջապատված գյուղ եր մտնում: Բայց հենց գյուղի մոտ, խրճիթների ու մարագների ստվերի տակ ընդհատվում եյին արտերը և ճանապարհը նրանցից դենը մենակ ինքն եր շարունակում իր փոշոտ ժապավենը:

Չքափոր Թաթոսի արտերից մեկն այդ ճանապարհի վերևի կողմով, հենց նրան կից գալիս և կտրվում եր իր, Թաթոսի մարագի պատի տակ:

Տարվա ցեխոտ յեղանակներին անցորդներին ստիպում եյին թողնել ճանապարհը և արտի կամ վարած հողի միջով գնալ իրենց գործին: Հասկանալի յե, վոր նոր կածան-չավիղը միայն կարող եր ճանապարհի վերևի կողմով լինել, վորովհետև թափված անձրևաջրերը հոսում եր ցած, դեպի ճանապարհի ներքևի կողմը:

Այդ եր պատճառը, վօր անասունները, սայլերը և մարդիկ հաշվի չեյին առնում վարած հողը և նրանց վտտքերի տակ պնդվում, կորչում էյին ակոսները: Հենց յերկու շաբաթից հետո նոր կածանները յերևում էյին արտի մի ծայրից մինչև մյուսը: Յեվ ամենից շատ վտտքի տակ եր ընկնում Թաթոսի հողը, տրորվում եր ցելը և կամ փչանում արտը: Յորենի դեղնած ծիւե-րը դեռ մատնաչափ չբարձրացած անխղճաբար ջարդ-վում էյին մարդկանց վտտքերի և կենդանիների պճեղ-ների տակ: Թաթոսի այդ արտի ծայրը գալիս, դյուղի վերջին մարագի պատի տակ հատնում եր: Թաթոսն ուզում եր, վոր հողից մի թիզ ել առանց վարել չմնա, դրա համար ել դուլթանի յեղը պատին քավելով եր թեք գալիս մյուս ակոսը քաշելու:

Այդ որերին ճանապարհով անցնողը, յեթե ուշա-դիր նայեր, կնկատեր, վոր մարագի պատը մի մարդա-բոյ բարձրութեան վրա մի տեսակ սևացել և լծկանի մեջքը քավելուց, հետո յել յեղան կարմիր մագեր են կպել չեչոտ քարերին: Մի քանի որից հետո անձրևը ծեծում եր պատի քարերը, վեր անում սև գույնն ու մագերը, մաքրում պատը:

Ամեն մի գյուղացի ինքն եր մշակում իր հողը, ինքն եր իր կալի մոտ տանում իր մանգողի հնձած մինչև վերջին հասկը. դեռ չեյին վերացել արտերի սահմանները:

Այդպիսի 4—5 տարի յեր անցել Չորաշենի ու նրա դաշտերի վրայով:

Գյուղն ընկած եր լերկ սարերի փեշին ու թեև Չորաշեն եր կոչվում, բայց գյուղը վոչ ձորում եր գտնվում և վոչ ել նրա մոտ ձոր կար:



Նրանք հարևաններ էյին — Բարսեղն ու Թաթոսը: Նրանց տները Չորաշենի ծայրին ընկած էյին կողք-կողքի, մի կարճ տարածութեամբ կտրված մյուս բո-լոր տներից:

Թաթոսն, ինչպես ասացինք, չքավոր տնտեսատեր եր և ուներ են, վորին չեր նախանձի մի ուրիշ չքավոր: Նրա գոմի ախոռում կապած էյին լինում մի ցլեկ, մի մոզի և մի կով:

Բարսեղն ել միջակ եր: Ամեն առավոտ նրա գոմից դուրս էյին գալիս և ջրի գնում մի լուծ յեղ, յերկու մոզի, մի գոմշաձագ, մի եչ և յերկու-յերեք մոզի-մզուր: Մանավանդ գարնանը, յերբ որը պարզ եր լի-նում, դուրալի և գետնից հողի գոլորշին եր բարձրա-նում ու կանաչի բուրմունքը, սուր պողպեղով յեզները գոմից բառաչելով էյին դուրս գալիս, մոզիներն ել նրանց յետևից «կետ» էյին անում պոչները վեր ցցած: Գոմշաձագը արնգում եր կոկորդային ուժեղ ձայնով և վազում դեպի աղբրի մոտի գոլը: Իսկ եչն անջատ-վում եր բոլորից և դլուխը բարձր բռնած ու գարնան գով ողը հոտոտելով բախչում գոմալով:

— 20՝ շ... չ՝ շ, — դվարճանքով բղավում էյին կտուրներին և ճանապարհներին կանգնած գյուղացի-ները: Նրանք ձմեռվա ընթացքում փակված էյին յեղել և գարնան բացվելու հետ ամեն ինչ ուրախացնում եր նրանց, բնութեան պես բացում նրանց սիրտը:

Գարնան այդ առաջին որերին գյուղացիները տնից դուրս էյին գալիս, ձեռքները ճակատներին դրած կամ փափախների տակից խորասուզված նայում ձյունի տա-կից բացված սարերին, բլուրներին ու դաշտերին: Ամեն

մեկը հայացքը դնում էր հեռուն, յերկար նայում և աշխատում հողերի մեջ ջուկել իրենը, նկատել, թե արդյոք կանաչի՞ն և տալի արտը:

\*\*\*

Այն որը թաթոսը ՓՈԿ-ի ժողով էր գնացել: Յերբ վերադարձավ տուն, կնոջ հոնքերը թթված տեսավ: Թաթոսը հետաքրքրվեց.

— Հը՛, Ասանեթ, ի՞նչ ա պատահել:

Ասանեթը լավաչի պես բարակ շրթունքներն սկսեց բարկացկոտ կրծոտել և վռչինչ չպատասխանեց:

— Գեղ հետ ել խոսել չի լինում, ելի: Հըս ասա տեսնենք ով ա թանիդ թթու ասել:

— Ել ո՞վ պիտի լինի, — վերջապես Ասանեթը բերանը բաց արեց, — քո բարի պտուղ հարեվանը:

— Հը՛մ, — զթի տակ մղզացրեց թաթոսը, հիշելով Բարսեղին և մտածկոտությամբ գետնին մի կետի նայեց:

— Բարսեղը, հա՞: Բա ի՞նչ ասավ, — հետաքրքրությամբ ու ճմլվող սրտով հարցրեց նա:

— Ամեն ինչ, — վացքի տաշտի վրայից դուրսը բարձրացրեց Ասանեթը, — դու վոր լեզու ունենաս, քեզ խոսք ասողին կարենաս հարժարին շուղար տալ, նա յեւ ըսենց չի անիլ:

— Ասելո՞ւ յես, թե ինչ ա յեղել:

— Են ա յեղել, վոր յերեխիդ մի լավ ծեծեց, քիթ ու պռունգը ջարդեց:

— Խի՞...

— Ընդուր, վոր նրա ելը ելի արտն էր ընկել: Յերեխին ուղարկեցի, վոր եշն արտից հանի. գնաց ձեռքի ճիպոտով մի քանի անգամ եշին հասցրեց: Տեսամ են-

տեղից Բարսեղը վրա պրծավ յերեխի վրա: Տո՛ւր թե կտաս քորիի վզակոթին: Համբերությունիցս դուրս յեկա: Ինչ անպատիվ խոսք կար, ասինք իրար: Նա ինձ՝ յես նրան, նա ինձ՝ յես նրան: Յես ելի մի քիչ արուեստ քաշեցի, համա նա բերանի կապը բաց էր թողել:

Հուլմունքից թե ամոթից Ասանեթի այտերը կարմրեցին և յերկու բուռնցքով սկսեցին ավելի ամուր սեղմել վացքի շորերը:

— Ասում ես անպատվեց, ելի՞, — ինքն իր մեջ հուզվեց թաթոսը, հոնքերը կիտեց:

— Անպատվին ել խոսք ա՞: Ել դախպա ու աննամուս չթողեց, յերեսովս տվեց:

— Հը՛մ, — ծրրաց թաթոսը և յերեսը դանդաղ թեքեց կնոջից և գետնին նայելով սկսեց խոր մտածել: Այնքան լարվեց մտքերի հետ, ասես նա հենց այդ պահին մի շատ խիստ դատավճիռ էր հանում կնոջն անպատվողի դեմ:

— Դու վոր մարդ լինես, — խոռվածի նման գանգատվեց Ասանեթը, — նրան գյուղխորհուրդ քարչ կտաս, դատարան քարչ կտաս: Ի՞նչ ա, մենք ենք հարազատը, թե նա: Հո՞ղս նրա դիտին: Ել հո հին դովրանը չի, վոր մեկը մյուսին ճնշի: Ես մին ու յերկու հետ չի: Ըսհենց հարեանություն չի լինիլ:

— Լա՛վ, լա՛վ, — այնպես հպարտ ձայնով խոսեց թաթոսը, վոր ասես ուզում էր ասել՝ «ինչ հարկավոր ա, յես կանեմ, յես կդամ նրա հախիցը»:

— Կտեսնենք, — իր դիրքերն ամրացրեց Ասանեթը: Թաթոսը մոլորված մի քանի քայլ առաջ ու յետ անելուց հետո վճռական քայլերով դուրս գնաց: Մտքում վորոշեց՝ «աչք չճպել» Բարսեղի առաջ, սրտի մաղձը

Թափել նրա գլխին: Իսկ հենց վոր դըրսում տեսավ Բարսեղին, խստությունը մեղմացավ: Մոտեցավ նրան: Բարսեղը փայտ եր ջարդում:

— Բարի որ,— մի անորոշ ձայնով ասաց Թաթոսը, վորի մեջ կար և քաշվածության և համարձակության շեշտ:

— Բարի որ,— բավական ուշ և սառը պատասխանեց Բարսեղն առանց նայելու Թաթոսին: Նա նույնիսկ փայտ ջարդելը չդադարեցրեց: Թաթոսը վերավորվեց դրանից: «Վո՞նց թե», մտածեց նա հոնքերը կիտելով, վոր լայաղ չի անում կարգին պատասխանել:

— Հարցնելն ամոթ չլինի, ինչի՞ յես կնգանս անպատվել:

— Նա յել ինձ ա անպատվել:

— Ախպեր, հերիք յեղավ, բոլ յեղավ. ըսհենց հարևանություն չի լինի: Սաղ տան ումուղն ես մի արտն ա, են ել մի կողմից ճամբվորն ա վոտնատակ տալիս, մյուս կողմից ել անասուններդ են ուտում, փչացնում: Եչդ... գոնե եչդ կապած պահեցեք:

— Խո չեմ կարող քո պատճառով եչս ու անասուններս ծախել: Եչ ա՛ անասուն ա՛ դրմից դուրս դալիս կամ արտից տուն դալիս արտի ծերիցը մի քանի հասկ են քաշում: Սաղ գեղն ա արտիդ միջովը կածան գցել. սաղ գեղի անասունն ա վոտնատակ տալի: Թե սիրտդ եղքան ցավում ա աշխատանքիդ համար, չափար քաշիր արտիդ կողքովը:

— Յես ուժ ու կարողություն ունե՞մ եղքան աշխատանքի համար,— խեղճացած պատասխանեց Թաթոսը, իսկ քիչ հետո սիրտ առավ.

— Սրանից հետո, վոր մին ել անասուններիցդ

մեկն ու մեկին տեսել եմ արտս ընկած, պողերը կջարդեմ:

— Ի՞րե՞նչ,— հուզվեց Բարսեղը, ականջներն ու ալտերը կարմրելով,— ո՞ւմ պողերը կջարդես, հը՞:

— Եչիդ պողերը,— ու քթի տակ ինքն իր ասածի վրա միամտորեն ժպտաց Թաթոսը:

— Տո, մարդ, եչը պողեր չունի,— բարկության և ժպիտի խառնուրդով պատասխանեց Բարսեղը:

— Պողեր չունի, դլուխ ունի, գլուխը կջարդեմ:

— Գո գլուխն ել յես կջարդեմ,— սպառնաց Բարսեղը և թշնամական հայացք դցեց Թաթոսի վրա:

— Դու վերջերս շատ ես յերես առել հա՛, ել որենք չես ճանաչում,— խոսելով հեռացավ Թաթոսը:

\*\*\*

Գարունն որն-որին դաշտերից քաշում եր իր փեշերը և ամառն եր արտերի վրա խաղում արևի վոսկե թևերով:

Այդպիսի մի որ եր, վոր Թաթոսն սպասողական դրությամբ կանգնել եր իր արտի ծայրին: Նա սպասում եր վորևե մեկին, վոր յեթե դա ու անցնի իր արտի միջի կածանով, կոիվ բարձրացնի, սրտում կուտակված թույնը թափի նրա վրա,— ով ել վոր լիներ այդ մարդը:

Թաթոսը նայում եր արտովն ընկած կածանին, ջարդված ու չորացած հասկերին և սիրտը մղկտում եր կսկծից, քթիցը մուխ եր դուրս դալիս:

Թաթոսը հիշեց, վոր ամեն տարի արտը նույն որին ե ընկել,— ջարդել են հասկերը և մի քանի կալ հաշանից միայն մի ջվալ հատիկ ե ստացել: Տան ցորենը հերիք չեր անում... Ձենը փորը դեմել եր



մի քանի ունեւորի, վոր մինչեւ կալը մի քանի խանցորեն տան, բայց նրանք փոխարենն իրենից պահանջել եյին հնձի որերին շարաթներով աշխատել իրենց համար: Թաթոսն ել գլուխը քորելով յետ եր ադրձել և դնացել իր դրության մասին ՓՈՎ-ի նախագահին քաշվելով պատմել: Նախագահը ժպտացել եր անկեղծ և ձեռքը դրել Թաթոսի ուսին.

—Վա՛յ, Թաթոս ջան... Ադա, բա ամաչո՞ւմ չես, վոր մեզ թողած, կուլակների մոտ ես դնացել:

Ու ՓՈՎ-ը փոխարինաբար ցորեն եր տվել Թաթոսին:

Եսպես մտածելով ու ինքն իր մտքերի հետ զրուցելով Թաթոսը կամաց գնում եր դեպի արտի մյուս ծայրը: Մեկ ել հանկարծ նկատեց, վոր իրենից մի քիչ հեռու, արտի միջին մի ինչ-վոր բան սևին ե տալիս: Թաթոսի սիրտը խփեց... «Անպատճառ անասուն ա արտը մտել»: Ու առաջ գնաց՝ աչքը սև կետին գցած: Ահա շարժվում ե նա տեղում... Ու Թաթոսն առաջ ե գնում շունչը պահած... «Տեսնես ի՞նչ պիտի լինի արտը մտած» մտածում եր ու գնում:

Ինքն ել հետզհետե մոտենում եր սև կետին և վորքան մոտենում եր, այնքան մեծանում եր կետը: Վերջապես հասկերի վրայով սրարգ յերեկաց ինչ-վոր կենդանու մեջք:

—Տեսնես եդ ո՞ւմ անտեր անասունն ա,— վրդովվեց Թաթոսը: Վերջապես քիչ հետո կենդանին գլուխը բարձրացրեց— Բարսեղի եջն եր: Նա ականջներն առաջ սրեց, աչքերը լարեց դեպի Թաթոսի կողմը: Թաթոսը մտավ արտը և արագ քայլերով գնաց եջի կողմը: Եջն ընդհատեց իր վորոճալը և լուռ դիտեց յեկողին: Յերկու ծամած հասկ կախ եյին ընկել նրա շրթունքների

արանքից, իսկ շուրջը մի կալի չափ ցողունները հասկահան եր արել, մի տեղ ել թավալ տվել, հողը բացել: Թաթոսը վոր նկատեց այդ, աչքերը մթնեցին և ուղեղում ասեղների ծակոցներ զգաց, մարմնով թեթև ցուրտ անցավ: Մի պահ նրա մտքովն անցավ, վոր ահա քանի տարի յե Բարսեղի անասունները փչացնում են իր արտը: Կսկիծը սիրտը տվեց, և յեթե ձեռքին փայտ կամ քար ունենար, ել ահ չեր քաշիլ և կջախջախեր եջի գլուխը: Բայց վոչ փայտ, վոչ ել քար ունեք ձեռքին: Թաթոսն իրեն կորցրած վազեց դեպի եջը և սկսեց վտառով ուժեղ քացիներ տալ եջի կողքին: Սուկայն ելը վոչ թե փախավ, այլ տեղը կանգնած մնաց և հանկարծ յետևի վտառի սմբակով մի պինդ հակահարված տվեց Թաթոսին:

Ելը պայտած եր և Թաթոսը հարվածից մղկիա զգաց: Նա ավելի կատաղեց: Հանկարծ մի բան հիշեց, վորը լուսավորեց նրա միտքը: Մի ակնթարթում դանակը հանեց գրպանից և բռնելով եջի ականջներից մեկը՝ կտրեց կեսից... Եջն աղիողորմ ձայներ հանեց և դռալով փախավ դեպի դյուղը:

Արյունը կաթկթել եր հասկերի և հողի վրա:

Ելը դեռ գնում եր...

Թաթոսի սիրտը հանգստացավ: Արյունոտ դանակը ծալեց և դրեց գրպանը: Վրեժն եջից լուծելուց հետո այժմ ել նրան մի տեսակ սառնություն եր պատել: Եջի կտրած ականջի կեսը ձեռքում բռնած, սառել եր տեղում կանգնած և չեր իմանում ինչ անել: Հանկարծ նկատեց, վոր գյուղի կողմից մեկը վազելով դեպի իրեն կողմն եր գալիս: Չեր յերևում թե ով եր: Բայց վազում եր առանց թափը դանդաղեցնելու: Քայլվածքը Բարսեղին եր հիշեցնում: Մի տասը քայլ վազելուց հե-

տո ավելի պարզ յերևաց: Ճիշտ վոր նա յեր, Բարսեղը... իր հարեանը: Ահա նա անցավ եչի մոտով, տեսավ կտրած ականջը և արյունը գլուխը տվեց:

Բոլորովին մոտեցավ Թաթոսին: Թուշը Բարսեղի սրտում կուտակված՝ վրեժով նայեց Թաթոսին, վորպես վոխերիմ թշնամի.

— Տո շո՛ւն-շանվորդի, դու եղբան սիրտ ունես, հա՛, — գոռաց նա և մոլուցքով հարձակվեց Թաթոսի վրա: Մինչ Թաթոսը ցանկանում եր կռանալ և ձեռքը քար գցել, Բարսեղը փեչի տակի փայտը հանեց և ուզում ճոճելով մի քանի անգամ վրա բերեց հակառակորդի թիկունքին: Թաթոսը, վոր կազմվածքով թուշ էր, չկարողացավ դիմադրել: Բարսեղը նրան գետին գլորեց և մի քանի անգամ ել քացի հասցրեց մեջքին, կողքերին: Թաթոսը ցավից չկարողացավ շուտ վեր կենալ և նվոցի միջից թուշ ձախով սպառնաց.

— Ուժդ ես փորձում հա՛...

Մի քանի քայլ զնալուց հետո Բարսեղը յետ նայեց: Թաթոսն ընկած տեղից վեր եր կացել և փափախն եր թափ տալիս:

Մի քանի որից հետո ձորաչենցիք միմյանց պատմում ու լսում եյին Բարսեղի եչի կտրած ականջի պատմությունը:

Գյուղխորհրդի նախագահը՝ Սարգիսը և ուրիշ մի քանի հոգի յեկան հարց ու փորձ արին Բարսեղին ու Թաթոսին, տեսան կերած արտը և եչի կտրած ականջը:

Բարսեղը ցույց եր տալիս եչի կտրած ականջը և նախագահից պահանջում.

— Եդ անամոթ արարքի համար դրան պետք և տուգանք:

— Չարժե, — պատասխանեց Սարգիսը, — լավ չի

արել, դրա համար մենք նրան նախատում ենք իհարկե, համա քյասիր մարդուն ի՞նչ տուգանես: Եդ ա եչիդ ականջը կապել ես, կսաղանա: Իսկ դու շատ մեղավոր ես, վոր ձեռք ես բարձրացրել նրա վրա: Դրա համար որենքը կպատժի քեզ: Հետո պտի հետևես անասուններիդ, վոր ել եդ մարդի արտը չընկնեն:

Հանձնաժողովը վորոչեց, վոր Բարսեղը յերկու շաբաթ հասարակական ձրի աշխատանք կատարի Թաթոսին ծեծելու պատճառով:

Բարսեղը դժգոհեց, թոնթորաց, քթի տակ հայհոյեց նախագահին ու Թաթոսին:

Եդ որից Բարսեղն ու Թաթոսը կտրեցին իրենց հարեանությունը: Նրանց կանայք ել չեյին միմյանց հետ խոսում ու ամեն մի դատարկ առիթով կովում եյին:

— Աղքատ հալովդ խելոք չես կենում, — հեզնում եր Վարդիշաղը, Բարսեղի կինը:

— Անխելք: Հիմա աղքատ ու հարուստ չկա: Աղքատ եմ, համա սիրտս բաց ա, գեղում իրավունք ունեմ, գեղամեջը մեզ նմաններինն ա: Դու յել չես քո ոգուտը հասկանում, — հպարտանում եր Ասանեթը:

Եդ որերին եր, վոր Բարսեղը քարերով, փայտերով ու 2 կտորած սայլով պատնեշ սարքեց իր և Թաթոսի տների միջև:

2.

Տարիները շատ եյին առաջ տարել Զորաչենը և շատ բան եր փոխվել նրա կտուրների տակ:

Գյուղում կոլխոզ եր կազմակերպվել և նա իր թեվերի տակ եր առել 15 չքավոր և միջակ տնտեսություն:

Թվով քիչ եյին, բայց լի համոզմունքով ու յիռանդով եյին կպել գործի: Մտել եյին նրանք, վորոնց սըր-

տի կրահը կոխողի համար եր վառվում, լուսաշող ապագայի համար:

Շրջանի և տեղի ընկերները մի ամբողջ տարի նախապատրաստվել եյին կոխողի համար: Բայց ինչո՞ւ մի տարի: Մի՞թե նրանց տասը տարվա պայքարը չե՞ր հարթել կոխողի ճանապարհը:

Կոխողի կազմակերպման սրբերին շրջկենտրոնից շուտ-շուտ ընկերներ եյին դալիս: Նրանք հավաքում եյին կոխողնիկներին, նրանց կանանց ու յերեխաներին և յերկար զրուցում նրանց հետ: Մի քանի որ հետո յել մի գյուղատնտես ձիուն նստած Ձորաչեն մտավ և ել չվերադարձավ: Ընկեր Ստյոպան, — գյուղատնտեսը, կոխողում աշխատելու համար եր յեկել: Միայն կոխողում: Անչափ ուրախությունից կոխողնիկների վտռն եղ որը գետնին չե՞ր առնում, ասես հարսանիք լինե՞ր նրանց համար: Գիտության լեզուն և ուժն եր յեկել նրանց ոգնության: Յերբ մի կոխողնիկ ցանկացել եր գյուղատնտեսի ձիու սանձը բռնել, նա չե՞ր թողել և «ծտի պես» թռել եր թամբի վրա:

— Գեղի կյանքին սովոր մարդ ա յերևում, կարա յերկար մնալ, — յեզրակացնում եյին կոխողնիկներն ու մյուս ձորաչենցիք:

Գյուղատնտեսը որվա մեծ մասը կոխողնիկների դոմբրում, տներում, այգիներում ու դաշտերում եր անցկացնում: Մանրթանում եր նրանց նիստ ու կացին և ցանքը, անասունը ու մյուս ունեցվածքը պահելու և մշակելու ձևերին:

Կոխողնիկներից շատերը դժվարանում եյին Ստյոպա կանչել: Ստեփան դարձրին: Ստյոպան ուրախացավ նրանց պարզամիտ և անկեղծ այդ վերաբերմունքի համար: Նա կոխողնիկների հետ յերկար շըր-

ջում եր իր անբաժան ձին յետևից քաշելով, տնտղում կոխողնիկների դոմբրը — մուռը, հատակը, անասունը, փոքրիկ լուսանցքները: Հետո յել՝ մարագի դարմանն ու խոտը:

— Գոմերը շատ են մութ ու խոնավ, կերն անկանոն եք տալիս, անասունը լղար ե, — մտածմունքով ասում եր նա: Ու սկսում եր բացատրել, թե ինչ կերից ինչքան պետք ե տալ անասունին և որվա վոր ժամերին:

— Վոչինչ, — ավելացնում եր նա հոգոց քաշելով, — շուտով մի որինակելի ընդարձակ դոմ կշինե՞ք բոլորիդ անասունների համար, վորը ձեր տներից լուսավոր կլինի:

— Ձե, ընկեր Ստեփան, — մեղավորի նման ասում եյին կոխողնիկները, — մենք ըսհենց բաներ չենք գիտեցել և մեզ շանց տվող ել չի յեղել. մեր բոլոր հաշիվները գեղավարի, չորանավարի յենք տարել: Հմի կոխողն ա մեր փրկության դուռը: Նա պտի մեզ ես յետամնաց դրությունից հանի:

— Այո՛, կոխողը ձեր կյանքը, մեր բոլորիս կյանքըն ե առաջ տանելու, բոլորովին նոր պայմաններ ստեղծելու, — համոզմունքով ավելացնում եր Ստեփանը:

— Բայց սոցիալիստական ճանապարհով, — անհամբեր մեջ ընկավ մի ջահել կոխողնիկ կոմյերիտական:

— Իհարկե, իհարկե, — և Ստեփանը ձեռքով դուրգուրեց նրան: Ու նա կոխողնիկների հետ, ի՞նչ ձին յետևից քաշելով առաջ եր շարժվում դեպի մի այլ կոխողնիկի տնտեսություն, հեռագոտելու նրա այգին, հողը, դոմը, տալու հարկավոր խորհուրդներ:

Յերեկոները գյուղատնտեսական խնդիրների մա-

սին զրույցներ եր ունենում կոլխոզնիկների և նրանց ընտանիքի անդամների հետ :

Այդ զրույցների ընթացքում Ստեփանը յերբեմն զանազան թվեր ու մտքեր եր թելադրում կոլխոզնիկներին և նրանք ել գրում եյին իրենց ձեռքի տետրերում :

\* \* \*

Կոլխոզնիկների հողերն ու անասունները միացվեցին : Յերբ գյուղում հողաբաժանում կատարվեց, բոլոր կոլխոզնիկների 65 որավար հողը գեմլեմերը միատեղ չափեց :

Մի ամիս եր, վոր որինակելի ընդարձակ դոմ եյին կառուցել : Գոմը բաղկացած եր 3 մասից և 15 տնտեսության անասուններին տեղ եր անում : Հարեան գյուղացիները, յերբ գործով Ձորաչեն եյին գալիս, անպատճառ ճանապարհները թեքում եյին և գնում կոլխոզի դոմը տեսնում :

— Ես հո մեր ոթախներից ել լավն ա, — ասում եյին նրանք և հիացմունքից «ծը'հ-ծը'հ» անելով գուրս գալիս :

Հենց կոլխոզը կաղմակերպելու աշնանից վարը, ցանքն ու մյուս բոլոր գյուղատնտեսական աշխատանքներն Ստեփանի ցուցմունքներով եյին տարվում : ԲՅ որավար հողը վոչ մի սահման չունեւր — չե վոր նա մի ընտանիքի յեր, կոլեկտիվ ընտանիքի : Իսկ կոլխոզնիկները գյուղի առաջավոր, ամենքից գիտակից մասն եյին և նրանք գիտեյին, թե ինչ են անում :

Ձորաչենի կոլխոզի առաջին ամառն եր. եդ տարվա բերքը գյուղում առատ եր, իսկ կոլխոզի հողերը չտեսնված բերք տվին :

Յերբ հասկերը ցողունների վրա ծանր որորվում

եյին, դեռ են ժամանակ կոլխոզնիկներն զգում եյին, թե ինչպիսի բերք են ստանալու : Կոլխոզի 9 սայլը 3 որ ճոնչալով ծանր խրճեր եր կրում կալերի մոտ :

Արտերը հնձելուց հետո ծղնոտի տակն աշնան ցել արին, իսկ մյուս գարնանը, կոլխոզնիկների բակերում ինչքան վոր աղբ կար, սայլերով կրեցին հողերը : Կոլխոզը դեռ աշնանից սերմադտիչ եր ստացել և աշնան ու գարնան սերմը զտեց ամեն աղբ ու փուչ հատիկից և մնաց միայն «ծտի ձվի չափ» սերմացուն : Բջիջի հետ միասին բացատրական կամպանիա տարան սերմերը զտելու առթիվ և գարնանը ձորաչենցիներից շատերը կոլխոզի սերմադտիչով գտեցին իրենց սերմը և այնպես հողը գցեցին :

— Կամաց-կամաց հողերը կարգի կ'ըցենք, — գրուցում եր Ստեփանը կոլխոզի նախագահ Վաչագանի հետ, — աշնանից յեռադաշտյան սխտեմի կանցնենք, ամեն մի տեսակ հողում իրեն հարմար բան կցանենք :

Ու եղպես Վաչագանն ու Ստեփանը յերկար քննում եյին կոլխոզին վերաբերող հարցերը, մտածում, թե ինչ ճանապարհներով առաջ տանեն գործերը :

Աշխատանքի խիստ բաժանում եր կատարված : Ամեն մեկը գիտեր, թե ինքն ետոր ինչ գործ ե անելու : Գործն ել արվում եր ըստ կարողության : Այսինքն՝ ով ինչ գործ գիտեր, են եր անում, ով ինչ արհեստ գիտեր, նրանով եր ղբադվում : Եդ բոլոր հարցերն իրենք, կոլխոզնիկներն եյին իրենց ժողովում վորոչում : Ամեն մեկը գիտեր, թե ինքն ինչ աշխատանք ե տանելու, քանի ժամ ե աշխատելու, ամեն մի ժամ ինչքան ե գնահատվելու, ուրիշ ինչ աշխատանք ե տանելու և այլն : Եդ բոլորի մասին 10 որ քաղցր եր կաղմակը ցուցակ եր կաղմվում և փակցվում կ'ըլլա իրենց իրենց ձեռքերով :

7971  
FS-018C1  
13810-07





Ժողովներից մեկում կոլխոզի նախագահ Վաչագանը հարց դրեց՝ «քանի վոր վոտներս բավական պնդացրել ենք զեանին, խոշոր հաջողություններ ենք ձեռք բերել, կոլխոզը փարթամացրել ենք, ուստի յես առաջարկում եմ նոր ընդունելություններ կատարել:

Գլուխներն սկսեցին մտածել:— Իհարկե կարելի յե,—յեղրակացրին նրանք,—սկզբից եր, վոր վախենում եյինք, թե չլինի՞ կոլխոզը քայքայվի: Համա հմի՞: Հմի շատերը կգան մեզ հետ:

Վաչագանի առաջարկը սիրով ընդունվեց բոլորի կողմից:

Հետո հենց նույն ժողովը վորոշեց՝ «ընկեր Ստեփանին ուղարկել կենտրոն, վոր ինչ գնով ել լինի, մի տրակտոր ձեռք բերի: Ընդգծել, վոր առանց տրակտորի վարը հասցնում չենք, ուշանում ա իր Ժամանակից: Նմանապես լիազորել Ստեփանին, վոր մսլահաբ անի վերևի ընկերների հետ, բացատրի նրանց, վոր յեթե տրակտոր տան, նա բոլոր կոլխոզնիկներիցս ավելի լավ ագիտատոր կլինի և հետո՝ սաղ Զորաչենը կգա մեր յետևից»:



Շատերն էյին դիմում տալիս կոլխոզ մտնելու համար: Թաթոսն ել ավեց: Յերբ կոլխոզը նոր եր կազմակերպվում, չմտավ, սիրտ չարավ: Են Ժամանակ կասկածում եր, թե արդյոք «գլուխ կհանի» կոլխոզը: Բայց կոլխոզի մի տարվա փորձը Թաթոսին ու շատերին համոզեց, վոր սարի ու ձորի տարբերություն կա իր, կոլխոզի և անհատական տնտեսության մեջ:

— Համոզմունքով ես դիմում տալիս,— հարցրել եր Վաչագանը Թաթոսին,— խո կասկած չկա...

— Սկի,— վճռական պատասխանել եր Թաթոսը և արխալուղի զրպանից հանելով դիմումը, դրել եր սեղանի վրա,— սրտով եմ գալիս, վոչ մի թիքա կասկած:

— Լավ, կքնենք, կընդունենք,— ասել եր Վաչագանը:

Յեվ իսկապես: Յերկու որ հետո Թաթոսը նորից գնաց Վաչագանի մոտ և դրական պատասխան օտացավ:

Ուրախությունից Թաթոսի տամարները խաղում էյին: Ինքն ել յետ չի մնա մյուս կոլխոզնիկներից, իր ապրուստն ել կմիացնի նրանց ապրուստին: Ուրիշ ճանապարհ չկա: Առանձին ապրելով ի՞նչ լավ որի յե հասել 40 տարում, կամ թե իր հերն ու պապը, վոր սրտից հետո ինքն ինչ որի հասնի:

Իսկ կոլխոզը... Մի տարում հրաշքեր գործեց: Հապա յեթե տրակտոր ստանան, մի քանի տարի անցնի, են վախտը դու տես, թե ինչեր կանի...

Թաթոսը խնդալով տուն դնաց, հասնելուն պես Ասանեթին դրկեց, մի պինդ համբուրեց, համա Ասանեթը կատաղեց, զարմանալով նրա այդ անսովոր վերաբերմունքի վրա: Իսկ յերբ Թաթոսը պատմեց իր արբմունքի պատճառը, Ասանեթն ուրախացավ:

— Լավ ես արել: Կոլխոզում յես ել լավ կաշխատեմ ու քեզանից պակաս կոլխոզնիկ չեմ լինի:

— Բա, Ասանեթ ջան, ինձանից պակաս կոլխոզնիկ չպիտի լինես:



Բարսեղի ու կնոջ մեջ կռիվ եր ընկել: Կինը պահանջում եր, վոր շատ չքալորներ ի ու միջակներ ի որ-

նաեղով իրենք ել կոլխոզ մտնեն: Են վոր ամուսինն եր, կողին եր ընկել և դեմ եր կոլխոզ մտնելուն:

— Ուրիշների գուռնի տակ պար ես դալիս, — ասում եր կնոջը, — Հլա մի տարի յեւ սպասենք, են վախտը կտեսնենք: Հետո յես վո՞նց իմ աչքի լուսի պես պահած, մեծացրած անասունները տանեմ ուրիշի անասունին խառնեմ... Մին ել ես՝ քանի վոր Թաթոսը մի գործում խառն ա, յես են գործին մոտ չեմ գնալ:

— Խի՛... Ուրիշի անասունները վոր կոլխոզում են, պակաս են պահո՞ւմ... Գլխիդ արեւը դիտենա, վոր դու նրանցից լավ կպահես ա՛յ... Հլա մի գնա նրանց պլպլան գոմը տես ու են վախտը խոսա:

Բարսեղը, ճիշտ ե, ինքն ել եր իր ներսում գգում, վոր կոլխոզը խոշոր նվաճումներ ունի, նրա և անհատական տնտեսութեան տարբերութիւնը մեծ ե, բայց քանի վոր աչքով-աչք չունեն Թաթոսի և նախագահի հետ, եդ պատճառով ել չեր ուզում նրանց հետ դործ բռնել, նրանց հետ միասին տարին չորս յեղանակ աշխատել: Բարսեղը յերբեք չեր մոռանում, վոր նախագահի վորոշումով ինքը յերկու շաբաթ մեջքը կուացրել, ձրի աշխատել եր դյուղի համար: Եդ պատճառով ել նա միշտ նխնխում եր նախագահի հասցեյին:

3.

Ձորաչենի կուլակները — Բուստուլանց Վարդազաբը, ձուղուրանց Մադին և Բոսանց Հարութը նստել եյին ողայում, վառվող բուխարիկի շուրջը և անհամբեր սպասում եյին, թե ինչ լուր կբերի Աթանեսը...

Բուխարիկը խավար ողայում հանդարտ միտում եր, յերբեմն ել ճրճում եյին փայտերը:

Լուսթյունը շարունակվում եր: Նստածներն աչքները գցել եյին վառվող կրակին և նրանց վորո՞նց մըտքերն ել յերբեմն առկայծում եյին կրակի նման, յերբեմն ել մթնում, ինչպես ողայի խավար անկյունները:

Դուռը կամաց ճուռաց: Բոլորն սկսեցին յետ նայեցին: Նրանք աշխատեցին հենց առաջին հայացքով կարդալ Աթանեսի դեմքի և աչքերի արտահայտութիւնը:

Աթանեսը մթնած դեմքով եր: «Ձի համաձայնվել» — իսկույն անցավ բոլորի մտքով:

— Ձեյի ասո՞ւմ, վոր չի համաձայնվիլ, — տեղում շարժվելով պարծեցավ Վարդազաբը:

— Ի՞նչ ասավ, — Աթանեսին անհամբեր հարց տրվին Հարութը և Մադին:

Աթանեսը չուխայի թևերը յետ քաշելով նստեց նրանց կողքին, քոթուկի վրա և սկսեց.

— Են մարդը, Բարսեղը, ասում ա. «Դրուստ ա, յես չեմ ուզում կոլխոզ մտնել, նախագահը հետս լավ չի, համարյա թշնամի յենք, համա յես չեմ կարող նրան սպանել. յես իմ ձեռքերն ուրիշի արյունով չեմ շաղախիլ: Թե ուզում եք, դուք սպանեցեք»:

— Բա չասի՞ր, վոր առանց են ել մեզ վրա չեկիստի աչքով են նայում ու քեզ ենքան փող ու ապրուստ կտանք, վոր մինչև քո մահը քեզ հերիք կանի, — լարված հարց տվին Հարութն ու Մադին:

— Ոխտը հեթ ասի, ոճի լեզու բանացրի, համա նա թե՛ «Ձե վոր չե, եդ բանն ըլիլ չի», ասում ա. «Դուք ուզում եք ինձ Սիրիւր քչեն, ըրեխեքս ել սովից մեռնե՞ն», ասում ա:

— Ախր ասում եյի, վոր չի համաձայնվիլ ե՛ր, — նորից հպարտորեն կրկնեց Վարդազաբը և նստած տեղն ամրացրեց, վոր իր կարծիքը ճշտվեց:

— Դո՛ւ յե՛լ... — բարկացան Վարդազարի վրա, — կնքա նման հավի արին թափելուց ել ես վախենում: Մինչև դրանից մի քանիսի արինը չիմենք, մենք չենք կարող կոլխոզի գործերը խափանել, մեր նպատակին հասնել...

— Ամենից հարմարն ու մեզ ձեռնտուն են ա, — հոնքերը վեր քաշեց Մադին, — վոր կոլխոզի նոր գոմը պատառ գցենք. գոմապահին կկաշառենք և գոմի բոլոր ծակուծուկը կկախենք. են վախտը մի անասուն ել չի ազատվի կրակից ու ծխից: Դա ամենամեծ վնասը կլինի կոլխոզին:

— Չե, — առարկեց Վարդաազարը, — պատառը շուտ կիմացվի, սաղ գեղը վրա կհասնի, կրակը կհանդցնի ու վնաս չեն ստանալ: Համա ինչ գիտես, վոր թալաքի մեջ չես ընկել:

— Միսներս կերան, վոսկորներս թողին, — բորբոքվեց Հարութը, — ա՛խ, թե մեր որերն ելի կզա՛ն, յես դրանց կոլխոզ շանց կտամ:

— Դե, գիշերը կես ա ըլում, ցրվենք, — քոթկի վրայից վեր կացավ Աթանեսը, չուխի փեշերը բաց թողնելով:

— Բան ա, թե վոր մարդ պատահի ու մեկն ու մեկիդ բան հարցնի, կասեք հիվանդի կշտից ենք գալիս, — ցածր ձայնով խոսեց Հարութը և ճրագի լուսով մինչև գոմի դուռը ճանապարհ գցեց նրանց ու նորից շարունակեց, — ամեն միևս պտի մեր հարևան մի քանի քասիբի բերան վոսկոռ գցենք, աչքները թոզ փչենք և նրանց կոլխոզի ու գեղական աշխատողների գեմ քողքավոր դուրս բերենք... Նրանցով մենք շատ բան կանենք: Եզուց ել խմաց չեմ տալ: Ժանդարքին

կզաք, կմտածենք, խելք-խելքի կտանք, տենանք ինչ ենք անում:

Վարդազարը, Մադին և Աթանեսը Հարութին լսելուց հետո հերթով «բարի գիշեր» ասին նրան և գոմի դուռը բացելով հավեցին մթնում:

Ամպերի սև դեղերը ծածկել էյին լուսինը, գյուղը կորել եր խավարի մեջ: Յեվ վոչ վոք չտեսավ, վոր յերեք մարդ գողի նման կուզեկուզ ցրվեցին իրենց տները: Միայն Աթանեսը գյուղի ծայրին եր ապրում, ցանկացավ կտուրներով կարճել ճամբեն: Մի կտուրից շտապ իջնելիս նա վոտքը դրեց շան բնի վրա և շունը կլանչոցով դուրս թռավ բնից: Աթանեսը թափը չպահեց և ամբողջ մարմնով ընկավ շան վրա... Շունը գազազեց, կատաղեց և նրա կլանչը խավարը ծվատելով տարածվեց կտուրների վրա և դրանցից ել դենը, հանգչելով սարի փեշերի ու բլուրների մոտ: Մյուս շներն արձագանքեցին և ելի շուտ կտրեցին ձայները: Նույն պահին տանը Հարութը լսեց շների կլանչը և ահ դգաց սրտում: Մադին ու Վարդազարը դեռ տուն չէյին հասել: Նրանք ել նույն պահին իրենց տեղում ահով կանգ առան, լարեցին ականջները, սակայն մարդկային վոչ մի ձայն չլսվեց:

Աթանեսը լեղապատառ դեպի տուն ծլկեց:

Ձորաչենի այդ ուշ գիշերում չորս հոգի հանվեցին և թախտի վրա չորեքթաթ սողացին, մտան վերմակի տակ, իրենց կանանց ծոցը: Սակայն 4 բարձի վրայի 4 միտք դեռ յերկար ժամանակ անջուռն մնացին: Նրանք վոստայն էյին հյուսում կոլխոզը ցանցելու համար:

Գիշերը կիսվել եր:



Գարնան աշխատանքի թեժ ժամանակ Ձորաշենի կոլխոզը մի տրակտոր ստացավ՝ շարքացանը հետը:

Եղ որը Ձորաշենի և նրա կոլխոզի համար նշանակավոր որ եր: Յերբ տրակտորն ու շարքացանը գյուղ մտան, զուռնա-դհուլը նվագում եր գյուղամիջուկ: Կամ սոմոնն ու մյուս կաղմակերպությունները վոտք եյին յեկել: Տներում ծեր, հարս ու յերեխա չեր մնացել, բոլորը գյուղամեջ եյին հավաքվել: Տրակտորը ճեղքելով խոնկած ժողովրդի շարքերը, բաշին փակցրած կարմիր դրոշը Փոփոացնելով մտավ հրապարակ: Նրա ձենը գյուղն եր ընկել: Մեկը պտտում եր շարքացանի լծակը և ցորենը հատիկ-հատիկ ցած եր թափվում: Շարքացանի դուրալի չըխկչըխկոցը խառնվել եր տրակտորի ձենին:

Գյուղը դրմբում եր:



Մի քանի որում տրակտորը վարեց կոլխոզի բոլոր հողերը: Հալա սարի փեշում ել 2 որավար խամ հող վարեց գարի ցանելու համար:

Կոլխոզի վարչությունը վորոչեց՝ չքավորների ու միջակ գյուղացիների հողերը վարել եժան վարձով: Տրակտորն որը մոտ մի տնտեսության հող եր վարում, իսկ շարքացանը կարմիր ցորենը շող տալով զնում եր նրա յետեկից:

Տրակտորը մի ամիս անհատական տնտեսությունների հողերը վարելուց հետո անցավ նոր պատրաստած սողոցարանը: Առաջին յերկու որը կոլխոզի նոր արհեստանոցի համար տախտակ խղարեց: Գյուղացիները գե-

րաններ եյին կրում սողոցարանի մոտ, նույնպես խղարելու համար:

Կոլխոզը պատրաստվում եր խղարի աշխատանքները վերջացնելուց հետո ալրաղաց սարքել տրակտորի ուժով:

Եղ որերից ձորաշենցիների բերանի խոսքը կոլխոզն եր, նրա «հրաչքները»:

Շատ շատերը դիմում տվին կոլխոզին, իրենց ել ընդունելու համար: Բարսեղը տեսնում եր այդ բոլորը և հուզմունքը կրծում եր նրա սիրտը, վոր շատերը վաղուց են կոլխոզի անդամ, շատերն ել նոր են ընդունվում, իսկ ինքը դուրս ե կոլխոզից: Եղ որերին ակտիվ կոլխոզնիկներից մեկը Բարսեղին յետևը գցած տարավ և ցույց տվեց կոլխոզի գոմը, գրասենյակը, պարտեղը, սողոցարանը, մանկամասերը և կոլխոզնիկների տները, նրանց նիստ ու կացում կատարված փոփոխությունները:

Բարսեղը մի կողմ դրեց համառությունը, գրասենյակում մի վճռական շարժումով մոտեցավ իրեն ուղեկցող կոլխոզնիկին և խնդրեց.

— Մի նեղություն քաշի, ինձ համար դիմում գրի, յես ել եմ ետորվանից կոլխոզ մտնում:

«Դիմումը» գրվեց և Բարսեղը կոթնելով սեղանի վրա, անվարժ ձեռագրով ստորագրեց իր ազգանունը:

Մի շարք կոլխոզնիկներ զանազան գործերով գրասենյակ եյին յեկել: Նրանք լսեցին Բարսեղի ցանկության մասին և շատ ուրախացան, վոր գյուղական աշխատանքներից իրեն հեռու պահած Բարսեղն ետոր կոլխոզ ե մտնում:

— Այրես, Բարսեղ, դու յեկ ինձ նման քո խերն ու շառը հասկացար, — բարձր ձայնով խոսեց նրա հին



սանահեր Մարտիրոսը և մոտեցավ Բարսեղին, ուրախացած բռնեց ձեռքը, պինդ թափահարեց, — չեյի կարծում... Լավ ա, դու յեյ յեկար:

Նախազան ել եր գրասենյակում. նա յեյ Ժպիտով մոտեցավ Բարսեղին, բռնեց ձեռքը:

— Սրանից հետո քո անասուններն ել թաթոսի արտը չեն ընկնիլ, քեզ ել ձրի չենք աշխատեցնիլ: Հիմա բոլորինս միատեղ ա, իմ ու քոն չկա...

— Ընհենց ել հարկավոր ա, — վրա բերեց Բարսեղը:

— Տղերք, — քիչ հետո բարձր կանչեց նախազան, ասես ինչ-վոր հիշելով, — մի հլա թաթոսին կանչեցեք, թաթոսին, հաշտեցնենք սրանց...

Շատերն եյին իմանում թաթոսի և Բարսեղի լարված հարաբերության և նրանց արտի, եչի ու ձեծի հայտնի պատմության մասին: Յերկու հողի դուրս թռան և պատշգամբից գրեթե գրկած ներս բերին թաթոսին, վորտեղ նա զրույց եր անում կոլխոզնիկների և մի շարք գյուղացիների հետ:

— Պոռչտի'... թող պոռչտի անե՛ն, — բղավեց մեկը ու նրան հետևեցին բոլորը.

— Պոռչտի'... պոռչտի'...

Յերբ թաթոսն աղմուկի միջից լսեց Բարսեղի վրձնական վորոշման մասին ու նրան տեսավ ուրախությունից շփոթված դրության մեջ, ինքն ել ընդհանուրի աղղեցության տակ մոտեցավ նրան, Բարսեղին: Բարսեղն ուրախ դեմքով առաջ յեկավ. թաթոսն եղ տեսնելով ել չըխմացավ, վրա ընկավ Բարսեղին, փաթաթվեց ու յերկուսով պոռչտի արին: Ամենքը հանգրաացան — պոռչտին կատարվել եր:

— Ա՛յ թե քեզ վոնց կոլխոզնիկ կկնքենք, — ուրախ վրա բերեց սանահեր Մարտիրոսը, մի ձեռքը նրա թեի տակով անցկացնելով:

Յերկու հարևանի հաշտության լուրը «ղշի թեի հետ» հասավ Ասանեթին ու Վարդիշաղին:

\*\*\*

Ստեփանը մի լավ ստուգել եր նոր կոլխոզնիկների հողերը և կոլխոզի Ժողովում զեկուցել, թե վոր հողում ինչ պետք ե ցանել եդ գարնան: Եդ հիման վրա կոլխոզի գարնան ցանքի պլանում կետ մտցվեց, վոր «գյուլի հյուսիսային կողմում գտնվող հողերը» (ձորի դիմաց մինչև Աթնանց բախչեն) պարսպել և կարտոֆիլ ցանել:

Եդ մասում եր ընկնում նաև ճանապարհի հետ մինչև գյուղի ծայրը յեկող, Բարսեղի նախկին հողը, վորն արդեն միացված եր կոլխոզի հողերին:

\*\*\*

Հենց յերկու որ հետո կոլխոզի աշխատող ձեռքերի մեծ մասը և լծկանն զբաղվեց եդ հողամասը պարսպելու աշխատանքով: Բարսեղն ու թաթոսը քրտնամխած լծվել եյին եդ դործին:

Անտառից սայլերի շարքերը տասնյակ ցցեր բերին, վորոնք յերեք որից հետո արդեն զինվորների նման շարքի եյին կանգնել և չըջապատել եյին կարտոֆիլի ցանքի համար վարած հողամասը: Յցերը միմյանց միացված եյին փշալարերի հինգ շարքով:

Չորս որում ել ամբողջ կոլխոզնիկներով սերմ կարտոֆիլը ցանեցին: Եդ դործում մանր յերեխաները շատ ոգնեցին: Նրանք կարտոֆիլը «գցում» եյին:

Նախկին հարևանների մտերիմ կապերը նորից վերականգնվեցին: Նրանք քանդեցին իրենց սների սահմանում փայտերից սարքած պատնեշը:

— Ամոթ ա մեզ խռով մնալը, — ասում էր Թաթոսը, — յերեխա չենք կամ թշնամի:

— Լավ, ինչ յեղել ա, յեղել, — քաղցր ձայնով նրան ընդհատեց Բարսեղը, — սրանից հետո լավ կլինենք, մի տան նման:

Ասանեթը և Վարդիշաղը միշտ իրար մոտ էին գնում-գալիս ու սիրով զրույց անում յերկար:

Նրանց յերեխաներն էլ իրավունք ստացան միշտ իրար հետ լինելու և ամբողջ որը խաղում էին կալերում, կարոտներն առնում:

Գյուղի ծայրին կոլխոզի հողամասում կարտոֆիլի խուճուճ թփերը յերկու թզաչափ բոյ էին քաշել: Վերջին որերին մարմանդ անձրև էր յեկել, թփերը կատաղել էին, բարձրացել:

Քամին խաղում էր զանդուր շարքերի հետ, գուրգուրում նրանց, ինչպես սիրող մայրն իր մանկան:

Թաթոսն ու Բարսեղը զրուցելով գնում էին նոր ձգած ցանկապատի մոտով: Գնում էին տեսնելու կոլխոզի կարտոֆիլի հողերը:

Բարսեղն աչքերը կկոցելով նայում էր կարտոֆիլի թփերի ընդարձակ տարածությանը ու դժվարանում էր հավատալ, վոր իր նախկին տրորված ու չոր հողում այդպես փարթամորեն բարձրացել են կարտոֆիլի թփերը: Նայում էր ու աչքերին չէր հավատում: Ո՞ւր էր գնացել իր արտի միջով ձգվող կածանը: Չկար նա, չկար և իր արտը — չկային հասկերը: Հատիկի

փոխարեն այդ գարնան կարտոֆիլը մտավ հողի կուրծքը: Այն ո՞վ զրույց արավ հողի հետ, հասկացավ նրա լեզուն: Հասկացավ, վոր հատիկի փոխարեն կարտոֆիլ պիտի թաղել այդ հողամասի կրծքում:

— Հա՛, Ստեփանն էր, — հիշեց Թաթոսը, — մեր Ստեփանը: Գյուղատնտեսը:

— Տեսնո՞ւմ ես, Թաթոս, — ձեռքը մեկնեց Բարսեղը, Թաթոսն սթափվեց ձայնից, — թփերն ինչքան են բարձրացել, փարթամացել:

— Կոլխոզի հունարն ե՛, — ծոր տվեց Թաթոսը:

— Հնենց ել վոր: Մեր որումը մեր հողերն ու անասունները հնենց չենք պահել, բեջարել, վոնց վոր ես տարի:

— Իմ առաջվա ես հողն ինչ ա, — Թաթոսը մատով ցույց տվեց ճանապարհի վերելի կողմը, — 15 տարի յես դրանից ողուտ չստացա: Համա կոլխոզի ուժով չափարեցինք ու լավ բերք ել կվերցնենք:

— Մենակ դու չես: Յես իմ հողերից շա՞տ ողուտ են ստացել: Նմանապես մեկ ել գեղացիները:

— Հա, Բարսեղ, — հանկարծ կատակով խոսեց Թաթոսը, — խեղճ եղդ հիմա ի՞նչ պտի անի, հողերը չափարել ենք: Ել չի կարող արտ ուտել:

— Յեկող ամսից կոլխոզն էլի նախիր ա ունենալու: Մեր մի ահանջանունն էլ նախիրը կանենք, կերթա հանգերումը քե՞՞՞ կանի:

— Հա՛, իսկապես, քո ելի ահանջը. — քրթմնջաց Թաթոսը, — վոնց կտրեցի ե՛, — ծոր տվեց ու ծիծաղեց:

— Յես ել քեզ լավ քրթակեցի, կողքերդ ջարդեցի, — նույնպես ծիծաղելով վրա բերեց Բարսեղը ու յերկու ձեռքով Թաթոսի կողերը տնտղեց: Հետո մի թեկվ դրեց և թիկունքովը:

— Են որերն անց են կենում, — լրջացալ Թաթոսը, — հիմա ուրիշ որեր և ուրիշ կյանք ենք բերում: Մի ընտանիք ենք դառնում:

— Սոցիալիստական ընտանիք, — վոգելորվեց Բարսեղը:

— Կաց մի թուփ քաշեմ, հլա տեսնեմ յերեսսարդ ա՞:

Ու Թաթոսը կուացալ, յերկաթալարի արանքով ներս մտալ: Նա յերկու ձեռքով բռնեց կանաչ թփերից մեկը, քաշեց և ժպիտը դեմքին՝ թուփը պարզեց Բարսեղին:

— Պա՛հ, քու տունը շինվի. արա եդ մի թուփ ա՞, — դարձանքից հոնքերը ձգեց Բարսեղը:

— Բա չտեսա՞ր:

— Վոր հասնեն, մեծանան, յերեվի ամեն մի թուփը կես փութ բերք կտա:

— Կարա չտա՞: Ել դյուղում աղը չթողեցինք, ես հողերն ածեցինք, բոլոր աշխատանքները Ստեփանի խորհուրդներով տարանք:

Ու յերկու մտերիմ հարեվանները յերջանկության ժպիտով նայեցին քաջած թփի վրայի մանր ու գառան դճակի պես սպիտակ ու մաքուր կարտոֆիլներին: Ասես իրենց հույսը, իրենց քրտինքն ու բախտավորությունն եյին տեսնում նրանցում:

— Չե, Բարսեղ, — ծանր խոսեց Թաթոսը, — կոլխոզը «պլուխ հանեց»:

— «Գլուխ հանեց», բա՛:

— Հլա ես տարի բերքը տուն հավաքենք, ես վախտը մեր դյուղի թշնամիների աչքը կհանենք: Թե վոր մի տարուց հետո սաղ գեղը կոլխոզի մեջ չմտնի, բաս յես Թաթոսը չեմ լինիլ:

— Բւրիչ Ե՞նչ պետք ա անեն: Ո՞վ իր աչքի փուշը կուգի:

Աւ Թաթոսն ու Բարսեղը միասին վերադարձան: Թաթոսը շուտ-շուտ ձեռքում բռնած թփին եր նայում:

— Տանեմ Ասանեթիս ցույց տամ: Տեսնի, ուրախանա:

Մոտեցան իրենց տներին:

Յետեվում կարտոֆիլի կանաչ ու խուճուճ թփերն եյին որորվում, իսկ նրանցից ել դենը, հեռվում, սարից փչող հովը թխավարում եր շեկ արտերի ծփանքը:

Արեվը խաղում եր գանգուր կանաչների և ծանրացած հասկերի հետ:

Ամառը չողել եր: Յեվ արեվն եր չողել ու հասեյ: Հասել եր մրդի պես ու իր շողերով քաղցրություն եր սրսկում հողի յերակներում:

Բերքն ամեն տեղ կախվել եր հողի սեվ շրթունքներից:

Հողը քրտնել եր բերքով:

\*\*\*

Գիշեր եր, խավար գիշեր: Ածուխի չափ մուգ, ածուխի չափ սեվ:

Գիշերն ուղիղ կիսվել եր, վոր մի հարայ բարձրացալ Ձորաչենում:

Սպիտակ հագնված մարդիկ եյին տներից գուրս գալիս, դռանն ականջները լարում, բայց պարզ վոչինչ չեյին լսում: Միայն ինչ-վոր աղմուկ և բարձր խոսակցություններ եյին լսվում դանազան կողմերից:

Մի կին տան շեմքում բռնում եր ամուսնու փեշը և չեր թողնում դնա:

— Մարդասպանություն կլինի, դուրս մի դնալ:

Բայց ներքին հետաքրքրութիւնը մարդուն գուրս  
եր բերում մինչեւ տան դուռը կամ բակը:

Հանկարծ մի բարձր ձայն լսվեց մի կտուրից.

— Մա՛րխ... Պաժառ ա՛... Կոլխոզի գոմը պաժառ  
ա ընկե՛լ ե՛... Գոմա՛ա՛գ... Գոմա՛ա՛գ:

Չայնը գիշերվա խավարի միջով փուլեց Չորաչենի  
կտուրների վրա և գլուղը լսեց ահալոր վոճիրի մասին,  
և ամենքը ցնցվեցին և նրանց սրտում խոսեց վրեժը  
դավադիր թշնամու դեմ. նրանք ամեն կողմից, առանց  
փայտի ու քարի նայելու, ձեպով վազեցին դեպի կոլ-  
խոզի գոմը:

Ամբողջ անասունը, առանց վնասի, դուրս ելին բե-  
րել գոմից:

Բաց վտանքերով ու սպիտակ հաղնված մարդիկ  
դուլլերով ու յերկու տակառով ջուր ելին կրում գոմի  
ներսը: Մի քանի յերիտասարդ նետովել ելին գոմը և  
մաքառում ելին ծավալվող կրակի դեմ: Մյուսները նը-  
րանց ոգնում, ջուր ելին հասցնում:

Բաղմաթիվ աչքեր պսպրում ելին գոմի շուրջը և  
նրանց ձեռքերը ճրագներ ելին պարզել գլուխներից  
վեր: Ճրագների թույլ և դեղին լույսերը կիսով չափ  
պատում ելին գոմի շրջապատի խավարը:

Հրդեհը ներսից եր սկսվել: Գոմի կտուրից սև ծուխ  
եր բարձրանում դանդաղ և լուծվում խավարում: Յեր-  
բեմն ներսից, ծխի հետ կրակի լեզուներ ելին դուրս  
թռչում և լիզում խավարը:

Շատերն ելին ցանկանում ներս դնալ գոմը, ոգնել,  
բայց չելին թողնում:

— Թե կարաք, ջուր հասցրեք, կարճ ասում ելին  
նրանց:

Դեռ հավաքվում ելին գլուղացիները, կոլխոզնիկ-  
ները:

Կոլխոզի նախագահ վաչագանը տղերանցից մեկին  
ուղարկեց գլուղի ծայրը, Թաթոսի և Բարսեղի մոտ,  
նրանց յեվս տեղեկացնելու պատահած դեպքի մասին:

Թաթոսն ու Բարսեղը իսկույն տներից դուրս թռան  
և բոցկտող աչքերով միմյանց հանդիպեցին:

— Թշնամու արած սրտառը դուրս թռավ Թաթոսի  
ատամների արանքից:

— Հարութի ու մեկեղների սարքած բանն ա: Յես  
գիտեմ, նրանք դեռ վաղուց ելին ուղում կոլխոզի դըլ-  
խին ոչին խաղալ: Հիմա դնանք, վաղը նրանք մեր բռի  
մեջ կլինեն:

Յեվ յերկուսով գիշերային խավարի միջով թռան  
դեպի գլուղամեջ:



Շողջողում եր արեվը, ամռան արեվը:

Հեռու սարերից հով եր հոսում կոլխոզի դաշտերին:  
Այնտեղ արտերը վետվեաում ելին ու ծվում քամուց:  
Թիֆիում ելին արտերը և այլքվում հասկերը: Նրանք  
հասել ելին, դեղնել և սասես հաղար ձեռք վտակի յեր  
շող տվել արտերի վրա:

Արեվն ուժ եր տալիս հողին, հասկին, հանդին:  
Ու հասկը հասակ եր առնում, հասունանում ամեն մի  
րոպե:

Հեռու սարի ստորոտից մինչեւ գլուղի ծայրը մի  
մեծ արտ եր կոլխոզի ընդարձակ արտը:

Տրակտորի փայլուն խոփը ճեղքել եր սահմանների  
ամուր ու նեղ կուրծքը և մխացրել բոլոր արտերը:

Յերբ արեւը թիկն էր ապլի ժողովի լեռան ուսին,  
նրա շողերը թուլանալով կամաց բարձրանում էին  
դիմացի լեռնաշղթայի վրա:

Յերեկոն սաստկացնում էր սարերից վերջոյ սառ  
բամին և թափ էր առնում հասկերի խաղը և ալիքները  
դուռ էին իրենց մեղմիկ յերգը:

Յեւ վոչ մի տեղ, վոչ մի բոսի չէր դադարում նը-  
րանց յերգը: Յերգն էլ չէր հեծկլտում և ել սահման  
չկար նրանց ընդհատող: Յերգն առաջ էր թեկում, մին-  
չեւ դյուղի ծայրը, և դիպչում էր յերկհարկանի շենքի  
ցիմենտած պատերին, ուր հասկերն էլ չարդված չէին  
ու արտրված:

Կոլխոզի յերկհարկանի շենքից դենն էր գյուղը:  
Նրանով էր սկսվում Ձորաչենը: Ուրիշ վոչ մի կտուր  
չէր յիբեվում, վոր բարձր լիներ ցեմենտապատ շենքի  
սանիւրից:

Նոր շենքի բնակիչներն զգում էին իրենց քրտինքի  
ուժը: Նրանք լսում էին արտերի յերգը:

## ԱՉԱՏ ՎՇՏՈՒՆԻ

### Ա Ղ Զ Ի Զ Ա Ն

Աղջի ջա՛ն, խաղով ո՞ւր կերթաւ,  
Աչքդ սև խաղող, ո՞ւր կերթաւ,  
Կոլխոզի արտերի միջով

Առտըվան շաղով ո՞ւր կերթաւ:

—Արևշաղ գարունն է կանչում,  
Արտերում առուն է կանչում,  
Ջա՛ն տըղա, յեկ վարի գնանք,  
Արևը վառու՛ւմ է, կանչա՛ւմ:

Աղջի ջա՛ն, կըշտանց ո՞ւր կերթաւ,  
Թեկդ վեր բըշտած ո՞ւր կերթաւ,  
Տըրակտոր—մաշինի վրա

Առտըվան նըստած ո՞ւր կերթաւ:

—Տըրակտոր մի յարի կերթամ,  
Կանչում է քե արի՛, կերթամ,  
Ջա՛ն տըղա, կոլխոզնիկ եմ յես,  
Մեր արտերը վարի կերթամ:

Աղջի ջա՛ն, խընդուն ո՞ւր կերթաւ,  
Քայլվածքով թընդուն ո՞ւր կերթաւ,  
Կոլխոզի արտերի միջով

Իրիկվանը դուն ո՞ւր կերթաւ:

—Մաշինով պարեցի, կերթամ,  
Մեր արտը վարեցի, կերթամ,  
Ջա՛ն տըղա, կոլխոզնիկ եմ յես,  
Քո սիրտը վառեցի, կերթամ:

**ՄԱՐՈՆ ՈՒ ՄԱՐՈՆ**

ՄԱՐՈ

—Գարուն եկավ, Մարո՛ ջան,  
Արևն ելավ վառուն,  
Քըչքըչում են, յարո՛ ջան,  
Մասն աղբյուրներն, առուն:  
Մեր յերկիրն էլ, Մարո՛ ջան,  
Վոնց վոր ծաղկած գարուն.  
Ես ի՛նչ անուշ ու վառ ես,  
Զա՛ն, սավետի յերկիր:

ՄԱՐՈ

—Արևն ելավ, Մարո՛ ջան,  
Պաչեց դռը սարի,  
Տըրակտորդ, յարո՛ ջան,  
Քըշիք, դեսը արի՛,  
Թեվըդ քըշտիր, Մարո՛ ջան,  
Մեր արտերը վարի.  
Ես ի՛նչ անուշ ու վառ ես,  
Զա՛ն, սավետի յերկիր:

ՄԱՐՈ

—Մեր գեղումը, Մարո՛ ջան,  
Կին-բաժին ես դառել,  
Սաղ կանանցը, յարո՛ ջան,

Ժողովի յես տարել:  
Հին աղաքը, Մարո՛ ջան,  
Վառնատակ ես արել.  
Ես ի՛նչ անուշ ու վառ ես,  
Զա՛ն, սավետի յերկիր:

ՄԱՐՈ

—Գեղխորհրդում, Մարո՛ ջան,  
Նրստել ես դու ժողով,  
Թուխ յերեսըդ, յարո՛ ջան,  
Լուսաբացի շողով:  
Կուլակները, Մարո՛ ջան,  
Բըռնըվել են դողով.  
Ես ի՛նչ անուշ ու վառ ես,  
Զա՛ն, սավետի յերկիր:

ՄԱՐՈ

—Զահել ես դու, Մարո՛ ջան,  
Վոնց վոր կարմիր խընձոր,  
Աշխատում ես, յարո՛ ջան,  
Արտումը վոնց հընձվոր.  
Դու մեր գեղին, Մարո՛ ջան,  
Արեվի շող վոնց վոր.  
Ես ի՛նչ անուշ ու վառ ես,  
Զա՛ն, սավետի յերկիր:

Ք Ա Ռ Յ Ա Կ Ն Ե Ր

1.

Հայաստանի համար ասավ,  
Լենինը պարզ ու վառ ասավ,  
Խորհրդային իշխանություն,  
Ջրանցքներ անհամար—ասավ:

Ես մեծ խոսքը Լենինն ասավ,  
Բանվոր ուսուցարաներին ասավ,  
«Խաղաղություն խրոնիկներին,  
Կռիվ պալատներին» ասավ:

Ընկեր Լենինն ասաց՝ գնանք,  
Ջգուշ և աչքաբաց գնանք,  
Բանվորներ և գյուղացիներ,  
Մեծ միություն կապած գնանք:

Գեղը կանգնի՝ գերան կոտրի,  
Չար բշնամու բերան կոտրի,  
Յեթե կանգնի դասակարգը,  
Ժեռն սպառած լեռան—կոտրի:

2.

Հերի՛ք ե սայլով գնանք,  
Տերտերի նաղով գնանք,  
Յեկե՛ք գիտություն ֆայլով,  
Յերկաթի փայլով գնանք:  
Լենինյան ֆայլով գնանք,  
Արե՛վի փայլով գնանք:

Տրակտորը գյուղ յեկավ,  
Հաստատ անյերկյուղ յեկավ,  
Ճարպակալած կուլակին  
Մահացու յերկյուղ յեկավ:  
Կուլեկտիվ ձեռքով յեկավ,  
Յերկաթե յերգով յեկավ:

3.

Ջտած սերմը—բերքով եր,  
Բայլե՛նի կյան խելքով եր,  
Մրտը վուկի յե կապել,  
Մեր կուլեկտիվ ձեռքով եր:  
Ջտած սերմը բերքով եր,  
Նոր խելքով ու ձեռքով եր:

Լենինի մեծ դարն ե սա,  
Տրակտորի վարն ե սա,  
Յերկաթավոր, ելեկտրիկ,  
Լուսավոր աշխարհն ե սա:  
Լենինական դարն ե սա,  
Սոցիալիզմի սարն ե սա:

Ի՞նչ արմատ ես—հողում չես,  
Ի՞նչ կաթիլ ես—ծովում չես,  
Վո՞նց ես, ախար, կամմունիստ,  
Վոր մեր կուլեկտիվում չես:  
Եյ, հողում չես, ծովում չես,  
Կյանքում, կուլեկտիվում չես:

Կաթիլ—կաթիլ ծով կլուի,  
Կուլեկտիվն ուժով կլուի,  
Կուլեկտիվում մարդը լին  
Մրտով ու սիրով կլուի:  
Ծով կլուի, ուժով կլուի,  
Մարդը վառ սիրով կլուի:

Գարնանացանն ամբողջ անենք,  
 Գարնան ամպ ու զամպով անենք,  
 Հարվածային մրցութիւնով,  
 Բայշեվիկյան տեմպով ցանենք:  
 Ամպ ել լինի, ամպով ցանենք,  
 Բայշեվիկյան տեմպով ցանենք:

Յես յերգ ունեմ յերգի նման,  
 Տրակտորի հեմքի նման,  
 Ցանած արտի վրա բացված  
 Կարմիր արեւելքի նման:  
 Աշկան առատ բերքի նման,  
 Համարձակ վերելքի նման:

Սերդ սրտիս վերքի միջին,  
 Շարփացանը հերկի միջին,  
 Կոլտոգ աղջիկ, հանդ ես գնում,  
 Իմ նորարաց յերգի միջին:  
 Կոլտոգ աղջիկ յերգի միջին,  
 Շարփացանը հերկի միջին:

Շարփացանով ցանք եմ արեւ,  
 Նոր կենցաղ ու կյանք եմ արեւ,  
 Կոլեկտիվում հարվածային,  
 Հալալ աշխատանք եմ արեւ:  
 Ցանք եմ արեւ, կյանք եմ արեւ,  
 Կոլտոգ աշխատանք եմ արեւ:

Հնձվորները սեւիկն տալով,  
 Գերանդիքն արեւիկն տալով,  
 Կոլտոգ-արտում հնձի յեղան՝  
 Ուժ ու յեռանդ քեւիկն տալով:  
 Հունձ եմ անում հեւիկն տալով,  
 Խուրձ խրձի հետեւիկն տալով:

Հունձ արա, հեյ, արագ հնձի,  
 Հարվածային կրակ՝ հնձի,  
 Կոլտոգ ընկեր, քրտնել ես,  
 Գուշմանիկն հակառակ՝ հնձի:  
 Կոլտոգ ընկեր, արագ հնձի,  
 Կուլակիկն հակառակ հնձի:

Հունձն արեւի շոգով արինք,  
 Լուսնյակի տակ ժողով արինք,  
 Բայշեվիկյան բերքահավաքն  
 Ես տարի ապահով արինք:  
 Հունձը շագով, շոգով արինք,  
 Հարվածային հագով արինք:

## 6.

Ընկեր Ստալին սամբով տարավ,  
 Լենինի ավանդով տարավ,  
 Տրակտորի նամբեն նախշուն  
 Մեր կոլեկտիվ հանդով տարավ:  
 Մեզ Լենինի նամբով տարավ,  
 Բայշեվիկյան տեմպով տարավ:



Կուլակները դեզ են վառել,  
Մեկ դուշմանի պես են վառել,  
Կոլխոզ ընկեր, համբերո՞ւմ ես,  
Մեր ապրուստը—մեզ են վառել:  
Դեզ են վառել, մեզ են վառել,  
Խորամանկ պես-պես են վառել:

Վոչ մի ձեռ թող տուն չմնա,  
Վոչ մի թիվ թղթում չմնա,  
Թող վոչ մի հասկ, վոչ մի հատիկ  
Ես տարի հանդում չմնա:  
Կոլխոզ ընկեր, տուն չմնա,  
Հունձի արտում բուն չմնա:

7

Պիտներները նորից  
Արտ են մաքրում քարերից,  
Ջան, նոր կյանքի սերմիկներ,  
Կյանքը մաքրե՛ք չարերից:

Կարմիր բանակից ընկեր,  
Կովոզ, գիտակից ընկեր,  
Մեր կուլեկտիվ կենցաղի  
Ձինվոր, զինակից ընկեր:

Թող մոռիկները մռան,  
Մուք մեղքերում մոռան,  
Արե՛վն արդեն լուսավոր,  
Հառագել է մեր դռան:

Ա. ԱԶԱՆ, Վ. ՆՈՐԵՆՑ, Ս. ՏԱՐՈՆՑԻ

## ՔԱՌՅԱԿՆԵՐ ԲԱՄԲԱԿԱՑԱՆԻՆ

1.

Աչք՝ ջուր է ածում կուլակի ջաղացին,  
«Ձախը» փախցնում է միջակ գեղացուն,  
Լենինյան նամբից շեղված այդ յերկուսը—  
Կարագ են քսում թշնամու հացին:

Պինդ հարված տանք աչի լեզվին,  
Չակերտավոր ձախի լեզվին,  
Կուսգծի նիշտ կիրառումն է  
Հասցնում մեզ սոցիալիզմին:

Թե աշխույժ գյուղխորհուրդ է,  
Կուլակի բանը բուրդ է.  
Կոլխոզին ինչքան բամբակ,  
Կուլակին եմքան ցուրտ է:

Գյուղխորհուրդը ծուլացել է,  
Աշխատանքը թուլացել է.  
Իամբակացան որում քնեց,  
Եղ քնով էլ մնացել է:

Խարդախ աղվես կուլակը  
Քեզ կըզցի թալակը,  
Խեղճի արի, հորոխակը,  
Շարճի չտաս բամբակը:

Կուլակը դավ կլարի,  
Վար ցանք չանես այս տարի,  
Կամ թե բամբակի տեղը  
Ցարեն ցանես ու գարի:

Կուլակը քո ականջին  
Փափսում ե՛ «մի ցանիր»,  
Բայց դու լսիր մեր կանչին,  
Ցանիր, աչքը հանիր:

Դաշնակը ի՞նչ ա ուզում,  
Բամբակը քիչ ա ուզում,  
Ալան, քալան, կոտորած,  
Արյունի լին ա ուզում:

Տերտերին մի հավատաք, կրունը թույն ե,  
Յեկեղեցին թշնամի, կուլակի բույն ե,  
Յեկեղեցուն, տերտերին թե նամբից հանենք—  
Կուլակի վրա տարած մեծ հաղթուբյուռն ե:

Բամբակի հունդ հողը դրիք,  
Մատաղ յես ձեր կտրող թրին,  
Եղ մի ձեռք ե ծանր իջած—  
Խատիսովի ցիլինդրին:

Մեր բամբակի փափուկ բուլեն,  
Մեր թվանքի կըբուկ լուլեն,  
Դարձել են խոզ բուրժույների  
Մեջքը կոտրող խաթաբալեն:

Հնգամյակի յերբորդ տարին՝  
Մանց գեղի սող ռանչպարին,  
Կալիկտիվով բամբակ ցաննք,  
Թող մեր վառքը չառնի քարին:

Հինա գարկի հերթը՝ մերն ե,  
Տրակտորների յերթը մերն ե,  
Հնգամյակը՝ չորս տարում—  
Սոցիալիզմի բերդը մերն ե:

Յերբորդ վնասկան տարին  
Ռոյոք ուժերդ լարի,  
Հնգամյակը չորս տարում՝  
Հաղթանակը պայքարի:

Մենք խանդավառ կոմսոմոլիսա  
Թե հայ, թե թուրք, թե ասորի,  
Բամբակի արս գրոհ գնանք,  
Առավոտյան ու կեսարին:

Ռիգա, Ջաֆար, Ակոբ, Ադո,  
Բամբակացան ենտուզիասուներ,  
Հարվածային բրիգադով  
Առաջ գնանք, մեզ չը հասնեն:

Կալիկտիվով անենք սոռն,  
Բամբակ ցանենք, բոլ ցանենք,  
Հարվածային յեռանդով  
Ամբողջ դաշտ ու չոլ ցանենք:

Պլանները բեզ անենք,  
Բանվորների պես անենք,  
Լենինական տեխստիլում—  
Քամրակների դեզ անենք:

Պլանները լրիվ անենք,  
Վնասկան մի կռիվ անենք,  
Կուլակային դասակարգին  
Քոֆահան ու ցրիվ անենք:

Տրակտորը ակոյ արավ,  
Չտեսնված տակոս արավ,  
Կուլակային դասակարգին՝  
Գեքեզման ու մի փոս արավ:

Արեվն առել ա սարին,  
Կուլակի վոտքը քարին,  
Ապրի մեր բայլշեվիկյան  
Քամրակացանի տարին:

Քամրակը հավաքել եմք, դեզի նման է,  
Յար ջան, բամբակի բուլեն մեզի նման է,  
Չանափին ով աշխատի՝ տրակտոր է, ջան,  
Չաշխատողը պառաված յեզի նման է:

Առավան շաղով հողը բաց է,  
Քամրակը մեզ հալալ հաց է.  
Քամրակացան կոմսոմոլ յար,  
Սիրուդ համար սիրոս բաց է:

Յ.

Ես մեր դարում, գեղացիք, անհատն ի՞նչ անի,  
Թե վոր գործիք չունենա՝ քարհատն ի՞նչ անի,  
Կուլեկտիվն է անհատին ֆնելուց հանում.  
Թե չէ մի կողմ վեր ընկած ֆնատն ի՞նչ անի:

Ինչքան մեռակ ցանես՝  
Լծած յեզ ու մոզի,  
Շլի անգոր մի բան ես,  
Չես հասնի՝ կոլխոզին:

Պարարտ է գարնան հողը,  
Կուլեկտիվն է ցանողը,  
Կուլակը վոր տեսնում է՝  
Քոնում է ահ ու դողը:

Սկսվել է ձընհալը,  
Կուլեկտիվ վար գնալը,  
Ինչքան քեզ հետ է գցում  
Կոլխոզից դուրս մնալը:

Քամրակացանի որ է.  
Յելենեք դաշտը յերթանք,  
Քամրակը մեզ շոր է,  
Իսկ կուլակին սլատանք:

Տրակտորի ակոսը  
Սրբեց մութն ու բորբոսը,  
Քարձրանում է անընդհատ—  
Կուլեկտիվի տակոսը:

Այ ձեզ մատաղ, վաղո, Սողո,  
Մեր արտելի այսպեր տղերք,  
Բամբակ ցանենք ամբողջ հողով  
Ու դուշմանին եսպես նեղենք:

Միջակ այսպեր Բալաբեկ,  
Տղիդ ուսման ես համբել,  
Ի՞նչ ես մենակ փորփորում.  
Կալլեկտիվն է քո մամբեն:

Նրեվը մեր է մտնում,  
Բամբակը տեր է գտնում,  
Մենք ենք բամբակի տերը,  
Գործարանում ու արտում:

4.

Ես ցանքը ինչքան շատ է,  
Կոխիլ ու բարիկադ է,  
Կոլխոզին բռնակ յեկավ,  
Բանվորի բրիգադ է:

Յեկել ես գործիֆներով,  
Բրիգադ, բարով խերով,  
Մենք ել ֆադաֆ ենք գալու  
Բամբակի հագար բեռով:

Գործարանի բրիգադից մամակ ստացանք,  
Մենք հսոր պինդ, յերկաթի բռնակ ստացանք:  
Բանվոր տղեն բամբակի արտերը ցելեց,  
Կուլակների սիրտ նեղեցող դանակ ստացանք:

Կոլխոզի ալ ձին նստա,  
Քաղաֆ մտա յես վստահ,  
Տրակտորով յետ յեկա,  
Կուլակը քոզ վընգստա:

Տրակտորը բերքի բախտ է,  
Թշնամուն ել մահու լախտ է,  
Ի՞նչ էք նստել, այ ընկերներ,  
Բամբակացան վարի վախտ է:

Տրակտորը արտը յեկավ,  
Կոլլեկտիվի գարդը յեկավ,  
Կուլակ, տերտեր, դաշնակցական,  
Ձեր պատիժն ու դարդը յեկավ:

Գործարանը տեֆտիլ  
Ձիք ու շոր է հագրում,  
Այ կոլխոզինկ, մի նստի,  
Դու յեյ բամբակ հասցրու:

«Մանկալը» քե կարդում ես,  
Քո համբան ել հարթում ես,  
«Մանկալն» ընկերդ է, կոլխոզ,  
Վոր կուլակին ջարդում ես:

Քեզ տրակտոր ու ամառ, ա՛րտ  
Արծաթկոկոն ու դալար, ա՛րտ,  
Ծափ սո՛ւր, ծփա, շորոր արի՛,  
Բամբակավոր ու վարար արտ:

**Գ. ԴԵՄԻՐՉՅԱՆ**

**Ս Ե Ր Ո Ր Ի Ա Ր Տ Ը**

Սերոբը թեև կուլեկտիվ չմտավ, բայց մյուս ան-  
հատականների պես չքաշվեց եւ մի կողմ:

Ո՞վ է խմանում, դուցե կուլեկտիվը խելացի բան է:  
Մի խոսքով՝ կապը չկտրեց կուլեկտիվի հետ: Գնում  
գալիս եր, մասնակցում նրանց զբույժներին, խորհրդ-  
դակցություններին ներկա լինում:

Այնպես վոր Արշակը, Ալեքն ու Գարսեվանը իրար  
մեջ փսփոտում էին.

—Մա յեւ նրանցից ա:

—Հա՛, կմտնի՛, —դուրսը խորիմաստ շարժելով  
յեղրափակում եր «խելացի» Գալուստը:

Այնպես վոր յերբ իմացան Սերոբն եւ իր սերմա-  
ցուն ախտահանել ե՛ շատ եւ չղարմացան:

Բայց մյուս կողմից եւ չհասկացան, թե ինչ ուխտ  
եր Սերոբի արածը, վոր սերմացուն իր ձեռքով դրեց  
ախտահանողների տրամադրության տակ և «դեղեց»:

Անցյալ տարի չե՞ր, վոր մոտակա դյուղի մի քանի  
տնտեսության սերմացուն մնաց հողի տակ ու դուրս չե-  
կավ, չկանաչեց ել:

—Ախր սերմացուն դեղով կլվա՞ն, եդ ո՞վ ա իմա-  
ցել, —ասում էին Սերոբենց դյուղում:

Յեւ հիմա, յերբ Սերոբն եւ ընկավ թափարդը,  
Արշակը, Ալեքն ու Գարսեվանը վճռեցին.—

— Խելըը հացի հետ կերավ:

— Եդ ա դրա հացը, թող ուտի՛:

Բայց խելացի յեր, թե անխելք բան՝ Սերոբի սերմը  
ախտահանված, ցանված պրծած եր ու խորհուրդ տա-  
լը՝ ուշ:

Սպասեցին հետեվանքին:

Գալուստը, մի քանի իր պես խելաքների հետ սաղա-  
սում էին, թե տեսնեն ինչ դուրս կգա այս պատմությու-  
նից:

Յեւ հետաքրքիր եւ եր: Մանավանդ վոր իրենց սեր-  
մը վո՛չ դտել, վո՛չ ախտահանել էին: Յեւ ապահով, մին-  
չեւ անգամ ուրախ, արդեն Սերոբի և կուլեկտիվի ար-  
տելի հարցը նրանց համար դառել եր մի տեսարան,  
խաղ, վոր զբաղեցնում եր այլեւ:

Արտերն սկսեցին կանաչել:

—Հը՞, Գալո՞ւստ, դո՞ւս ա գալի, բռնե՛լ ա...

—Սպա՛սեք, մի՛ք վոաղի:

—Վո՞նց սպասենք. դեղած սերմը կանաչել ա: Ա-  
սել ա՛ բռնել ա:

—Սպա՛սեք, սպա՛սեք.

«Սելացի» Գալուստը հույսը դրած այն հանգաման-  
քի վրա, վոր առհասարակ կյանքում «սպասելը»  
միշտ խելացի յե և արդարանում ե՛ ասում եր «սպասեք»  
ու մտածում եր, թե տեսնես՝ ինչպես պիտի պատա-  
հեր «փորձանքը», վոր կուլեկտիվը խայտառակվեր  
Սերոբի առաջ, Սերոբն եւ մի լավ խրատվեր:

Անցավ մի քանի ժամանակ:

Լուր բերին.

— Կուլեկտիվի ու Սերոբի արտը չի բարձրանում:

— Այ տղա, դրո՞ւստ...

— Դրուստ եմ ասում, — փսփոսաց ուրախութեամբ «խելացի» Գալուստի հարեվանը և ժպտալով նայեց Գալուստի աչքերին, — զնացե՞ք, տեսե՞ք, — մեր արտերի կանաչն ու՞ր ա, նրանցն ու՞ր:

— Կարող ա պատահի: Դեղը վնասել ա սերմին:

— Այ թե թամաչա կըլի հը՞, Գալո՞ւստ:

— Թամաչա ասիր ու պրծա՞ր:

Այդ լուրը շարժեց դյուղացիների հետաքրքրությունը: Յեղան շատերը, վոր ցանկություն հայտնեցին զնալ տեսնել:

Սերոբն ու «խելացի» Գալուստն ել դուրս յեկան հանդ, վոր տեսնեն այդ հետաքրքիր տեսարանը:

Սերոբը չէր հավատում, կարծում եր չարախոսություն ե:

Ծովեցին ճամբից դեպի արտերը: Առաջ խոսում էյին, կատակում: Վոմանք ել կասկածում էյին, թև լրարբերը կատակ ե արել կամ խաբում ե:

«Խելացի» Գալուստը մտածմունքի մեջ եր: Չեր խոսում, նրան մի ուրիշ հարց եր դրադեցնում:

— Այ տղա, այդ արտը չի բարձրանում, ասենք՝ լայլ: Իա վո՞նց ա եղել, վոր կանանչել ա:

Դյուղացիք ել զարմանում էյին:

Քանի վոր շատերը տեսել էյին, թե հարևան դյուղի «դեղած» սերմացուն ինչպես մնացել ե հողի տակ:

— Ախր եդ վո՞նց են դեղել, ախտահանել, վոր սերմը բռնել ա...

Ու «խելացի» Գալուստը, վոր շատ եր ցանկանում սերմացուի փչանալը, դրա վրա ավելի յեր զայրացել: Հասան արտերը:

Փաստը, աչկարա, պարզ փաստը մշուշով լցրեց Սերոբի աչքերը:

Իր արտը, կուլեկտիվի արտերը կարճ էյին բռնել... Ճինչդեռ անհատականներինը բավական բարձրացել էյին:

— Ախր դեղած սերմը վո՞նց կբարձրանա:

— Ո՞վ ա տեսել, վոր սերմը դեղեն:

— Մինչե՞լ հիմի, վոր չենք դեղել, հաց չենք ունեցե՞լ:

— Ահա ես ել քեզ կուլեկտիվի արա:

Ու դարձան Սերոբին.

— Ա՛տնածակ, բա ջո խելքն ուր եր, խե՛ղբը:

Սերոբը ծպտուն չհանեց: Տազ արավ ու սուս ու փուս վերադարձավ տուն:

— Ա՛կնիկ, արտս ջուրը տարավ: Կանանչը կարճ ա: Սերոբի կինը աչքի տակով կողքանց մտիկ տվեց Սերոբին և խեթեց.

— Ը՛, դե զնա ու կե՛ր: Վոր ասում էյի...

Այսպես անցավ մի ժամանակ, նորությունը հնացավ և դյուղում հաստատվեց այն համոզմունքը, վոր սերմը չպետք ե ախտահանել:

«Խելացի» Գալուստն ուրախ եր, անհատականները հանդիստ, իսկ Սերոբը մտածում եր վոնց անի, վոր ձմռան հացի պաշարը ճարի:

— Խելքս հացի հետ կերա, տե՛ղն ա ինձ, — ասում եր կամաց Սերոբն ու ծրադիր եր կազմում մյուս տարի պապական ձեկով ցանելու և մի կերպ նահանջելու կուլեկտիվի մերձավորությունից:

Ու չէր դնում հանդ: Իր արտերը դառել էյին նրա աչքի գրողը, չէր ուզում տեսնել:

Մի անավուս եւ Սերորը նկատեց, վոր գեղամիւ  
ջում ինչ-վոր վեճ եր սկսված: Սիրտը կոտրած չեր եւ  
ուզում մոտենար: Անցկենալիս լսեց.

— Բա, սրան ախտահանած սերմ կասեն: Հիմի վոնց  
ե:

«Վո՞նց թե վոնց ե» — մտածեց Սերորն ու մի փոքր  
կանգ առավ: Ականջ դրեց:

— Բա վոր գյուղատնտեսն ասում եր, բան գիտեր,  
չե՞:

Սերորը մոտեցավ:

Անհատականներն եյին՝ «խելացի» Գալուստը և մի  
քանի կոլտնտվորներ, վոր յերկու կողմի բաժանված՝  
պայքար եյին մղում կարծես:

— Չի բարձրացել... գնա աչքո՛վդ տես — ասաց  
կոլտնտվորը մի անհատականի:

— Բա՞նն ինչումն ա, — խոսեց Սերորը կես ակա-  
մա:

— Վո՞նց թե բանն ինչումն ա, — բղավեց նրա վրա  
կոլտնտվորը, — գնա՛ մի արտդ տես:

— Ի՞նչ ա ըլել արտին, — հարցրեց Սերորը միքիչ  
անհանգիստ:

— Ի՞նչ ա ըլել, — գնա տես վոնց են բարձրացել  
արտերը: Մերն ո՛ւր, սրանցն ո՛ւր...

Բոլորը շարժվեցին դեպի հանդը:

Դա հետաքրքիր եր: Ինչպե՞ս: Ախտահանած սերմը,  
վոր կարճ կանաչ եր տվել՝ հիմի բարձրացել եր և այն  
եւ ավելի՞:

Յերբ հասան արտերը՝ նայեցին չորս կողմը:

«Հրաշքը» տարդ եր և աչկարած:

Ախտահանած սերմը հասակ եր քչել, իսկ մյուս-  
ները հետ եյին մնացել:

Կոլլեկտիվը հաղթել եր:

Խարուսիկ ուշացում եր յեղել, վոր հետո հանկարծ  
քչի վեր ու վեր՝ իր հետեւ թողնելով հին սերմը:

ԶՐՈՒՅՑ ՈՅԱՆ ԱՄՈՒ, ՆՐԱ ՇՎԱՐՈՒ-  
ԹՅԱՆ ՈՒ ՓՐԿՈՒԹՅԱՆ ՄԱՍԻՆ, ՎՈՐ  
ԳՐԻ ԱՌԱՎ ՈՅԱՆ ԱՄՈՒ ԽՆԱՄԻՆ,  
ԳՈՒՐԳԵՆ ՄԱՅԱՐԻՆ

Ոհան ամին լծեց յեզը,  
հաչակնեց իր յերեսը,  
Աստված կանչեց եկպես սրտանց,  
Վոր քե վերում լիներ նստած  
Աստվածակերպ մի բան... գոնե...  
Պիտի իջներ, պիտի ոգներ:

Եսպես բոնեց արտի նամբան.—  
Քայլում եյին յեզներն անբան,  
Ինքն ել յետից, քայլով յերկու  
Ու մի սրտոտ յերգ եր յերգում:  
Յերգեց, քայլեց Ոհան ամին,  
Մինչեվ հասավ արտի խամին:

Առավոտ եր: Արեվը վառ  
Լուսավորեց յերկիրն արար,  
Հողն ու ծովը ու աշխարհը,  
Հանդը, արտը, ձորն ու սարը,—  
Ու վոնց վոր մի վոսկե դեպի՝  
Արեվը հո՛ւ, արեվը հո՛ւ...

Մեռնեմ պայծառ արեգական,  
Իր շորերին վոսկե հագած,  
Իր շողերին հասած շեմին,  
Համբի յեզրի ոշոշներին,  
Նրա լույսով ապրող մարդուն,  
Քնած լինի, լինի արքուն...

— Յեկ—հա, հա՛ յեկ...

Ու հորովե՛ր...—

Արտն է վարում Ոհան ամին,  
Ու լեռնային գուլալ քամին  
Զով շոյում է նրա դեմքը,  
Ու տանում է նրա յերգը,  
Նրա յերգը ու յերգելը,  
Յեգան պես ծանր հորովելը,

Հորովելը, որորովելը:

Կոլեկտիվի վերի արտում  
Այդ տրակտորն է հերկում արքուն,  
Հերկում արքուն, արագ, արագ,  
Վոնց վոր քամի, կարած կրակ,

վեր է վագում, վար է վագում,

Հողի շերտը հաստ—հաստ դարսում:  
—Յեկ—հա, հա յե՛ր,  
Ու հորովել...

Յերեմ անգամ յեկավ գնաց  
Ոհան ամին, յերեմ անգամ,  
Մինչ տրակտորը գնաց յեկավ —  
Կարաս, հաշվի, քանի՛ անգամ...

Շոգն սկսեց վո՛նց խորովել,  
—Յեկ հա, հա յե՛ր,  
Ու հորովել...



Յերկրորդ դարձի կետը չարած,  
Վոնց պատահեց... ա՛ր քեզ դիպված,  
Զուրբ բոլի դեմը առավ  
Ու կտրվեց... չարի արկած...  
Ոհան ամին կանգնեց սառած.  
Դանակ խրես նրա սրտում,  
Զի կաթիլ մի կաթիլ արում...

—Յեյ, հա, հա յե՛լ...  
Հա-յե՛լ, հա յե՛լ,  
Ոհան ամի, քեզ չեք վայել,  
Ես տաք որով գործդ սառավ,  
Խոփըդ բոլին գնաց առավ,  
Ելի՞նչ անես կտրած չուքով,  
Կտրած չուքով, կտրած սրտով...

Կանգնել է նա աչքը խոլոր,  
Արտի միջին շվար, մոլոր...  
Կալկեկտիվի վերին արտում  
Ժիր տրակտորն է հերկում արթուն,  
Վեր է վագում, վար է վագում  
Ու շերտերը դարսում, դարսում...

—Թո՛ւ քու անվան, ստեղծողին,  
Ես ել գո՞րծ է, ես ել ապրո՞ւստ,  
Ես ել գո՞րծե, ես ել ապրո՞ւստ,  
Մեռիր ելի, ի՞նչ ես ապրում...  
Կառնվեցին որ ու հաշիվ,  
Վեր կաց հիմի քաղաք քաշի,  
Նարագի տուր, ել յետ արի,—  
Ոհան ամի, կանգնի պարի,  
Լավ է գործըդ, աստված վկա,  
Թամիդ քքու ասոդ չկա...

— Յեյ հա, հա յեյ,  
Հա-յեյ, հա-յեյ,  
Ես նեդ որվան  
Ե՞ս եր վայել...  
Յես ի՞նչ անեմ  
Կտրած չուքով,  
Կտրած չուքով,  
Կտրած սրտով:

Մի շեկ աղջիկ թովոպեն,  
Թովոպեն, վոտին տպեն  
Արտը հասավ.—

— Ի՞նչ կա, ասավ,  
Ի՞նչ ես կանգնել աչքդ խոլոր,  
Արտի միջին շվար, մոլոր,  
Ճաշ եմ բերել յես քեզ համար,  
Նստի ու կեր, կեր ու ուժ առ:

— Իշտա՞հ մնաց... գնա՛ց, չփվալ,—  
Ասավ ամին իր աղջկան,—  
Ես տաք որով գործս սառավ,  
Խոփը քարին գնաց առավ—  
Մի քումբ փլավ աղջկա սրտում,  
Ամու կողքին կանգնեց տրտում.  
Ի՞նչ սուտ, ուրախ լուրեր շարեր,  
Ամու սիրտը մխիթարեր,  
Կանգնեց անգոր, լոնց անհար,  
Մեռելատանն ի՞նչ խաղ ու պար...

Աշխարհը լեմ, որն արեվատ,  
Շուրջը ծաղիկ, կանաչ ու խոտ,  
Արտ ու հերկ,  
Արտուտի յերգ,

Աշխարհն արար  
Մարդու համար,  
Մարդու ուրախ  
Սրտի համար,—  
Մենակ ամին  
Սրտով ստուով  
Ու չար ժամի  
Գեմը առավ,—  
Մնաց խոլոր,  
Շվար, մոլոր...

Կոլլեկտիվի վերի արտում  
Ժիր տրակտորն է հերկում արթուն.  
Յեւ— հա, հա—յե՛ր...

Ե՞ս եր վայել:  
— Արմենակը...

— Գիրք է սերտում...

— Այ, չար մտնի նրա սրտում,

Յեւ ի՞նչ անեմ

Կոտրած չուքով,

Կոտրած սրտով,

Վոչ ոգնող կա,

Վոչ ել վկա

Իմ ավերին,

Իմ ցավերին,

Իշխանության

Պաշտպան կանգնած

Յեւ հոգի տամ,

Յեւ յեզ, յեւ հաց...

Հրեմ... եկավ Արմենակը...

—Վո՞նց է գործըդ...

— Այ կրակը...

Առաջ վագեց Արմենակը,  
Վառված-տարված վոնց կրակը  
Ու կոմյեթիա տրակտորիստին  
Հասավ, սասավ.—

— Արի ըստի,

Յեզն է ընկել ալեվորը,

Արի, շանց տանք մեր շնորքը...

Տրակտորն եկավ տալու հարա.

Ամու արտը տակովն արավ,

Գնաց, յեկավ, յեկավ, գնաց...

Ամու սիրտը մթագնած

Լուսվեց վոնց վոր

Գարնան արեվ,

Գարնան արեվ,

Գարնան արեվ:

Լուսնակն ելավ վոնց վար սինի,

Ամու սիրտը—մի տիկ գինի,

Յեւ է գալիս ուրախ խնդուն՝

Չեերկված վոչ մի թիզ արտում:

— Ամի, վեր կալ ել հաշիվը...

— Սաղ մնա ձեր կոլլեկտիվը...

Մենակ ձեռով ի՞նչ կգտնեմ,

Կգամ, ախպեր, կալխոզ մտնեմ:

Ես գրույցը գրեցի յեւ,—

Ձեր ցավերին՝ ախպեր եմ ձեզ,

Լուս ընկերներ,

Կալխոզնիկներ,

Չուք-խոփի տեղ բերեք մաշիմ,

Հերիք մաշեմ

Յեզան կաշին,

— Ոհան ամի քաղաքի հետ  
Ախտեր լինեմք, չմնանք յետ...

Աշխարհը լեմ,  
Որն արեվոտ,  
Շուրջը ծաղիկ,  
Կանաչ ու խոտ,  
Արոտ ու հերկ,  
Արտուտի յերգ,  
Աշխարհն արար  
Մարդու համար,  
Մարդու կամփի՛,  
Կյանփի՛ համար,  
Աշխատավոր  
Բազկի՛ համար,  
Հասկի՛ համար,  
Հառկի՛ համար...

ԽՆԿՈՒ ԱՄԵՐ

## ԲԵՐՔԻ ՏՈՆԻՆ— ԻՄ ԱՆՏՈՆԻՆ

Համաչես դուշման՝  
չես լինի փոշման:

Բամբակացան  
գյուղացի,  
Դուշմանդ ո՞վ է,  
իմացի:  
Կարդա գիրքը  
«Մանկալ»-ի,  
«Վնասատուն  
բամբակի»,  
Լավ խրատ է  
Ֆեգ տալի.  
Սուտ չի ասում,  
դորդ է, դորդ,  
Բամբակն ունի  
մի չար վորդ.  
Քեզ լավ ծանոթ  
Քրթուռը,  
Վորտեղից է  
եղ հյուրը,  
Թափվի դրա  
արուռը.

Հե՞ր բաց արիք  
    Ֆո դուռը,  
Ու ներս առար  
    Եղ ծուռը:  
Ասե՛մ, ասե՛մ,  
    ա՛յ քե՛ռի,  
Դա ավիցն է  
    բեքեռի.  
Լուսով լավ չի  
    յերևի,  
Ցերեկները  
    սուտ սատկում,  
Գիշերները  
    տերևի  
Սիրտն ու հոգին  
    ծակոտում:  
Ապա անցնում  
    կնգուղին,  
Միջուկն ուտում  
    ու լափում,  
Ենտեղ փռում  
    անկողին,  
Ընկնում մեջը  
    մրափում:  
Եղպես ուտում,  
    գորանում,  
Քո բամբակն է  
    չորանում:  
Ել ասելու տեղ չկա,  
    դու կարծում ես դե՞ղ չկա.  
Գյուղատները դեղ ու դարման  
    կտա քեզ,

Վեր բամբակը  
    սրակես.  
Վեր ագառես  
    բրբռուից,  
Վերդից, մերդից  
    ու չոռից.  
Վեր ստանա  
    միշտ հա՛կ, հա՛կ  
Չոռ չկաթծ  
    լավ բամբակ.  
Քե չե քեզդես  
    ՀԱՄԲԱԿ  
ՏՈՒՆ ԶԻ ԲԵՐԻ  
    ԲԱՄԲԱԿ:

ՅԵՍ ՆՈՒՌ ԵՄ

Յես նուռ եմ, սիրով հուռ եմ,  
Ջահել տրդին մըրմուռ եմ,  
Աբազի պես լափ կտամ,  
Անք ու սավդա կըվառեմ:  
Այ տրդա՛, հանդ ես գընում,  
Կոյեկտիլ արտ ես գընում,  
Կեպին քեֆել ես մակտիդ,  
Ենպես հըպարտ ես գընում:  
Տրակտորք քըշում ես,  
Մըրգով լիֆը աշուն ես,  
Աչքով, ունֆով ես անում,  
Միրտ ու հոգիս մաշում ես:  
Եսար ինձ յար ես դառել,  
Կուլակին քար ես դառել,  
Կոյեկտիվի ուժիցը  
Գյուղի մեջ սար ես դառել:  
Համ խելոք ես, համ սոլ ես,  
Ընի ակտիվ կոմսամոլ ես,  
Կոյեկտիվըդ շեմ մնա՛  
Սիրով ու սուիրով բոլ ես:

Հ Ո Ւ Ն Չ Ը

Ծույլ ե հնձում գերանդին,  
Յե՛կ, հունձ անող մեֆեմա,  
Հունձը հանդում կմնա,  
Թույլ ե հնձում գերանդին:  
Յեո ու յեոանդ բեր հանդին,  
Հունձդ հնձիր ու գնա,  
Ծույլ ե հնձում գերանդին,  
Յե՛կ, հունձ անող մեֆեմա:

**Գ Ն Չ Կ Ո Ր Ը**

Տխտ'ւր ե գնգում գերանդին,  
Հասկերը շրշում են—«եյ ո'ւշ ե...»:  
Ինչքան ել յեռսս յեռանդից,  
Արդեն գերանդին անուծ ե:

Հրեն յերբ հնձվոր մաշինան  
Շախով շափշափում ե անդին,  
Շայրտում ե խուրճերը շինած,—  
Սլ ո'ւր ե գնգում գերանդին:

Ե՛յ—հոնն ե հունձը, մաշինա,  
Իզուր ե գնգում գերանդին:

**Ա Ր Ե Վ Ն Յ Ե Լ Ա Վ**

Արեվն յելավ, շողքը գցեց  
Հանդի վրա, Սոնա ջան,  
Հորձանք տվեց ու սվսվաց՝  
Վռսկե արտը շորորան:

Ցորնի արտը տես ինչպես վառ  
Շողշողում ե անուշ ջան,  
Վռսկեծամիկ աղջկա նման  
Նազկտում ե, յարո ջան:

Զրանցքն եկել արտը ջրել,  
Արտն հասել ե, Սոնա ջան,  
Հասկը յելել, հերկը ծածկել,  
Շորորում ե, յարո ջան...

Տես, քաղաքից ինչ ե բերել,  
Կեպիավոր են տղեն,  
Մեր արտերին խինդ ե բերել  
Ու սրակտորը են տղեն:

Թեվդ էշտի՝ գնանք արտը,  
Կոլեկտիվով հունձ անենք,  
Լիքն ե յերգով ես իմ սիրտը,  
Են մաշինով հունձ անենք:

Արեվն յելավ, արտը ծվաց,  
Քամին յերգեց, Սոնա ջան,  
Մեր մաշինը արտը գնաց,  
Դե շտապիր, յարո ջան:

## Վ. ՏԱԼՅԱՆ

### ԵՍ ԲԵՐՔԸ ԲԱՐԻՆ Ա

Ես բերքը բարին ա,  
Ցորենը կալին ա,  
Գուքնի վաղեն թըմմել ա,  
Տրակտորի տարին ա:  
    Ճամբեքը շոշել ենք,  
    Կոլխոզը դռշել ենք,  
    Սելի վաղեն թըմմել ա,  
    Մաշիմի տարին ա:  
Հին տունը փրլել ա,  
Կուլակը գրլել ա,  
Զոռքի վաղեն թըմմել ա,  
Բատրակի տարին ա:  
    Միջակ-չփավոր ենք,  
    Բանելու սովոր ենք,  
    Կոլխոզ աղջիկ, կարմրել ես,  
Սիրելուդ տարին ա:  
Բամբակը փաքրիկին,  
Զիքը կոլխոզնիկին,  
Դըր-հողի վախտն եկել ա,  
Ջրելու տարին ա:

## Ն. ԶԱՐՅԱՆ

### ՊԱՏՄՈՒՄ Ե ԲՍԱՆՅԻՆ ԳԴԱԶԱՐԱԿԱՆԸ

(Հասված «Բրիգադի» բրկնոսից)

Ներկաները նույնպես պաշտպանում եյին Սամսո-  
նի տեսակետը: Յեթե այսպիսի մի առաջարկ լիներ չը-  
քավորական նիստում, անկասկած ձայների բացարձակ  
մեծամասնությամբ կանցներ: Մենք այնտեղ հարցը  
դրինք ամբողջովին միացնելու կամ չմիացնելու ձեվով  
և բնական եր, վոր պիտի անցներ միացնելու առաջար-  
կը:



Կոլլեկտիվի ընդհանուր ժողովը հավաքվեց:

Սկզբից եթե դահլիճը բաժանվեց տարբեր շերտե-  
րի: Կոլլեկտիվ շարժման բոլոր կողմնակից ուժերը հա-  
վաքվեցին առաջին շարքերում կամ խոնվեցին բեմում:  
Յետեվի շարքերում հավաքվեցին կոլլեկտիվի հակա-  
ռակորդներն ու բոլոր «մածուն ուտողները», այսինքն՝  
չքավոր ու միջակ այն տարբերը, վորոնք կուլակների  
կողմից կաշառվելով՝ պայքարում եյին կոլլեկտիվ  
շարժման դեմ: «Մածուն ուտող» եր անվանում նրանց  
Արշակ Սահակյանը, վորովհետև «նրանք կուլակների  
տան մի ջրեղան մածուն են ուտում և գալիս են ժո-  
ղով՝ կուլակի շահը պաշտպանելու»:





ե, քաշում ե կոլլեկտիվ տնտեսութեան մեջ, գոր ալեկի  
հեշտութեամբ ձեզ խաբի, թալանի ու տա քաղաքի ծա-  
ռայողներին: Յեթե կոլլեկտիվ տնտեսութեանն այդ-  
քան լավ բան ե, ինչո՞ւ քաղաքներում կոլլեկտիվներ  
չեն կազմակերպում, այլ միայն գյուղերում են կազ-  
մակերպում: Պարզ ե, յեղբայր գյուղացիներ, խոր-  
հրդային իշխանութիւնը ձեզ խաբում ե, վոր ավելի  
յերկար ժամանակ շարունակի ձեզ պահել իր արյունոտ  
լծի տակ: Յեղբայր գյուղացիներ, կոլլեկտիվը ձեր  
թշնամին ե, միք մտնի կոլլեկտիվ, դուրս յեկեք կոլ-  
լեկտիվից, թող վոչնչանան ու վերանան գյուղից կոլ-  
լեկտիվն ու խորհրդային իշխանութիւնը: Մոսկովայի  
կոմիտեյի շտաբից դեպի Հայաստան»:

Կոչը յես ծալեցի դրի գրպանս և Տիգրանին խընդ-  
րեցի, վոր ժողովը հայտարարի բացված:

— Դին-դոն... դողանջեց ժամի զանգն այն ժա-  
մանակ, յերբ Տիգրանը հայտարարեց.

— Ընկերներ...

Յես սկսեցի կրկին դեկուցել: Բայց դեռ չեյի ա-  
վարտել առաջին դեկուցումը, յերբ Սերոբ Անտունյանը  
բարձր հագաց: Նրան հետեւեց նաև Յեղնակը: Գա-  
լուստն էլ եր ուզում հագալ, բայց դալով իր վրա իմ  
հայացքը, տատանվում եր: Առաջին հագերին յես ու-  
շադրութեամբ չեղարձրի և շարունակեցի դեկուցել:  
Չայնս չափազանց խղիւժ եր և միայն կատարյալ լու-  
թեան պայմաններում կարող եր լսելի դառնալ բոլո-  
րին: Բայց յետեւի շարքերում հազը շարունակվում եր  
սաստկանայ և իմ ձայնի տկար հնչյունները դժվա-  
րութեամբ եյին ճանապարհ բացում դեպի մարդկանց  
լսողութիւնը:

Նախազահը փորձեց միջամտել.

— Դառարեցրեք հազը, ընկերներ, խանգարում եք  
դեկուցումը:

Սպասում եյին այսպիսի մարտահրավերի: Յետե-  
վի շարքերում պոռթկաց դիտումնավոր հագերի հա-  
մագարիլը: Հագացին մինչեւ անդամ միջին շարքերից  
մի քանիսը: Հագացին նաև բեմում հավաքվածներից  
վոմանք: Հագացողներից շատերն անկասկած դիտում-  
նավոր կերպով չեյին հագում, այլ պարզապէս վա-  
րակվում եյին մյուսներից: Հագն ու հորանջը վարակիչ  
են: Յես հարկադրվեցի մի պահ սպասել, մինչեւ հա-  
գան ու վերջացնեն: Ժամի դանդը շարունակում եր ա-  
վելի ու ավելի յեռանդուն դողանջել.

— Դին-դոն, դին, դոն, դին, դոն...

Հագերը մեղմացան և յես փորձեցի շարունակել:  
Բայց հենց վոր սկսեցի, նորից սաստկութեամբ բարձ-  
րացած հագերը ծածկեցին իմ ձայնը: Յես կրկին սպա-  
սեցի, կրկին մեղմացան հագերը, կրկին սկսեցի ու  
կրկին ընդհատեցին ինձ դիտումնավոր հագերը:

Վեր կացավ Բենիկը: Գունատված, լայնացած  
քթածակերով, սպառնադին, նա կոչ արեց դառարեց-  
նել հագերը: Բայց Բենիկի մետաղահնչյուն ձայնը  
նույնպէս կորավ մաստայական հաղի պղտոր ալիքնե-  
րի մեջ: Բենիկը նստեց: Նա դողում եր ջղայնութիւ-  
նից:

Վեր կացավ Գեղամ Զիլիֆյանը: Յեղջուրածեւ  
բեղերը դարձրեց դեպի յետեւի շարքերն ու ծկլթաց.

— Տո, խայեր, հորի՞ խելոք: Հորի՞ չթողուք,  
վոր ընկեր բրեզադիան գյուր խոսքն ըսե: Թողեք, ինք  
խոսե, լմնցու, մենք լե կըսենք՝ դարու չենք:— Հազը  
միանգամայն դառարեց և Գեղամ Զիլիֆյանը հաղթա-  
կան դիրքով նստեց: Լեվոն Մարտիրոսյանը «կարեկ-

ցարար» նայում եր իմ յեքեսին՝ հապկացնելով ինձ, թե  
«անհասկացող ժողովուրդ է, ի՞նչ գործ կարելի յե ա-  
նել այսպիսի ժողովրդով»։ Արշակ Մահակյանը տան-  
ջանքով և ատելությամբ ամբողջ ժամանակ յետ եր  
դառնում և իր մանրիկ, բայց ծակող աչքերով սաս-  
տում եր հաղացողներին։ Զիլիֆյանի յելույթի ժամա-  
նակ նա չկարողացավ զսպել իր կատաղի հեղնանքը։  
Ուստի հենց վոր Գեղամը նստեց, Արշակը ձայն խընդ-  
րեց։

— Ընկերներ, — արտասանեց նա ծանր, զսպված  
ատելությամբ, — մենք ճանաչում ենք հաղացողներին.  
եդ նրանք են, վոր Յերամենց Թաղևոսի տան մածնի  
ամանները ըստեղ են ու յեկել այստեղ նրանց անունից  
հաղալու։ Եդ կուլակի հագն և, ընկերներ, կուլակն  
ե հազում ընդդեմ կոլլեկտիվի։ Յես ստաջարկում եմ  
հաղացողներին դուրս շարտել ժողովից։

Արշակի վերջին խոսքերը ծածկվեցին ծափերի և  
հազերի խառն հնչյուններով։

Հաղացողների դեմ խոսեց նաև Գեվո Գեվորդյա-  
նը։ Այն Գեվոն, վոր յերկու շաբաթ առաջ Բենիկի հեա  
սուր ընդհարում ունեցավ։

— Ինչքան ուզում եք հաղաք, ուզում եք հաղալով  
տրաքեք, — ասավ նա, — մենք ես գործը դուրս կբերենք։

Հաղացողների դեմ խոսեցին շատերը՝ բնից, օւ-  
ռաջին շարքերից, միջին շարքերից, մինչեւ անգամ  
յետեվում կանգնածներից, բայց հազերը շարունակվե-  
ցին ավելի ու ավելի տեղական ու սաստիկ դառնալ և  
ուղղակի մարտահրավերի բնույթ ստանալ։

— Չենք ուզում լսել խաբուս են մեզ, — աղաղա-  
կեց հաղթանդամ Յեղնակը, — դուրս գնանք, ընկեր-  
ներ։

— Դին, դոն, դին, դոն, դին, դոն, դին, դոն...  
Յեսեվի շարքերը շարժվեցին դեպի դուրս։ Մի-  
ջին շարքերում տիրեց չիտթություն։ Մի քանի հոգի  
վեր կացան։ Յես գզացի կրկին արյան բաղխումը բուն-  
քերիս։ Յեվ մոռանալով ձայնիս տկարությունը՝ յես  
աղաղակեցի։

— Ընկերներ...

Իմ ձայնը, չնայած խզված լինելուն, հնչեց զար-  
մանալիորեն հուժկու և ազդեցիկ։ Բոլորը կանգնե-  
ցին։ Յես սկսեցի խոսել. բայց արդեն վոչ թե կոլ-  
խողչինարարության կոնկրետ հարցերի մասին, այլ  
խողչինարարության կոնկրետ հարցերի մասին, այլ  
հաղացողների և ժողովը պայթեցնելու փորձ կատա-  
րողների դեմ։ Յես չեմ հիշում, թե ինչ եյի խոսում և  
ինչպես եյի խոսում, բայց ժողովը կանգնեց։ Դուրս  
գնացողները կրկին վերադարձան և հազը դադարեց։  
Կրկին ինձ հաջողվեց նվաճել դահլիճը։

— Դին, դոն, դին, դոն, դին, դոն, դին, դոն, դին-  
դոն, դինդոն... Ղողանջում եր կատաղի ժամի զան-  
դը։

Բայց յես արդեն անցել եյի զեկուցման բուն նյու-  
թին և հեղնական ժպիտը կրկին խորտակվել եր Յերամի  
հակակրելի բերանի վրա։ Յես մանրամասն բացատրե-  
ցի կթանների միացման նշանակությունը և վոչ մի  
ջանք չխնայեցի նախապատրաստելու շրջանային կենտ-  
րոնի վորոջման հաղթանակը։ Զեկուցումից հետո ա-  
ռաջին հարցը տվեց Գեվոն։

— Կոլլեկտիվի կթանների մասուլը մեզ ձրի պիտի  
ա՞ծն, թե փողով։

— Վոչ ձրի, վոչ ել փողով, — բացատրում եմ յես, —  
ընկեր Գեվորդ։ Կոլլեկտում վոչինչ ձրի չի տրվում։  
Իսկ կոլլեկտի անաշխատանակ անդամներն ստանում են

հատուկ ֆոնդից, վոր հատկացնում է նրանց կողմեկ-տիվը:

— Յես չասի՞, — հաղթական շարուժյամբ բացա-կանչեց Յերամը:

— Ի՞նչ դու չասացիր, ընկեր Յերամ:

— Փողով եք տալիս, ելի՞, մեր սեփական կթանից ստացած ապրանքը փողով ծախում եք մեզ:

— Փողով չենք ծախում, ընկեր Յերամ: Հարցն այդ կողմի վրա չուռ մի տա: Ի՞նչ է նշանակում «փո-ղով եք ծախում»:

— Բաս աշխատավարձի դիմաց վոր տալիս եք, չի՞ ընի փողով:

— Ընկեր Յերամ, քո սեփական կովի վրա դու աշ-խատանք թափո՞ւմ ես...

— Այո՛, թափում եմ:

— Նրան կերակրո՞ւմ ես, տակը մաքրում, աղբը թափում, ամառը արածացնում, կինդ կթում է, մե-րում, հարում:

— Այո՛, եղ դիփ անում ենք:

— Եղ բոլորը փող արժե՞, թե վոչ:

— Վոնց թե փող արժե... յես իմ կովին կերա-կրում ու խնամում եմ, ել ի՞նչ փող:

— Ընկեր Յերամ, յեթե այդ բոլորը քո կովին չտայիր, այլ տայիր ուրիշի կովի, փող չեյի՞ր առնի դրանց դիմաց:

— Կառնեյի:

— Նշանակում է՝ այդ բոլորը փող արժե:

— Այո՛, արժե:

— Նշանակում է՝ դու քո կովից նույնպես նրա յե-կամուտն ստանում ես փողով, այսինքն՝ քո թափած աշխատանքի, քո տված կերի, խնամքի դիմաց: Սեթե

դու կովին չկերակրես, չխնամես, ուրիշ խոսքով յեթե դու նրա վրա ծախս չկատարես, նա քեզ կաթ չի տա ձրիաբար:

— Իհարկե, չի տա:

— Հապա ինչո՞ւ յես պահանջում, վոր այդ նույն կովի կաթը կողմեկտիվում դու ստանաս ձրիաբար:

— Վո՞նց թե ձրիաբար, — համառում է Յերամը, — յես կողմեկտիվում նրան չե՞մ խնամում, նրա վրա աշ-խատանք չե՞մ թափում, քաղաքի ծառայողները կգան կովս կպահե՞ն:

Դահլիճը ծիծաղում է:

— Ընկեր Յերամ, — շարունակում եմ բացատրել յես, — կողմեկտիվում կատարած քո աշխատանքի հա-մար դու կստանաս աշխատավարձ: Դու ուզում ես համ աշխատավարձն ստանալ, դնել դրպանդ, համ ել այդ աշխատանքիդ արդյունքը ձրի՞ ստանալ: Եղ վո՞ր դըր-քումն է դրած: Հորդ խելացի տղեն դո՞ւ յես:

Դահլիճը կրկին ծիծաղում է:

— Պա՞րզ է, ընկերներ, — հարցնում եմ յես:

— Պարզ է, — ձայնում են ամեն կողմից: Բայց ելի մեկը վեր է կենում ու տարակուսած հարց է տալիս.

— Ախար, ընկեր Չան, վո՞նց կըլի, վոր իմ սեփա-կան կովի կաթն ինձ փողով ծախեք, կամ թե չե աշխա-տավարձից դուրս դաք:

Յես ելի բացատրում եմ նրան, վոր ուրիշ կերպ լինել չի կարող, վոր կողմեկտիվը չի կարող յուրաքան-չյուրին և աշխատավարձ վճարել, և յեկամտից ձրի բա-ժին հանել և այլն:

Դահլիճում տիրում է շփոթմունք: Կողմեկտիվի անասան կողմնակիցներն անգամ դժգոհության նշան-

ներ են անում: Յես հետզհետե սկսում եմ կորցնել զահլիճի վատահուսթյունը:

— Ընկեր վահան, — նորից ե ձայնում Գեվոն, — յես ձեր ասածը հասկանում եմ: Իմ կարծիքով եզ ա ուղիղը: Բայց գյուղատնտեսը մեզ եղպես չի ասել: Նա անցյալ օրը մեզ ասաց, թե համ աշխատավարձ կատանաք, համ ել ձրի ցորեն, յուղ, կաթ, մածուն և այլն:

Յես տարակուսած նայում եմ Տիգրանի ու Գրիգորի յերեսին: Նրանք ևս շփոթվել են և աչքերով հասկացնում են, վոր գյուղատնտեսն իրօր բացատրել է այնպես, ինչպես հասկացել է Գեվոն: Հետագայում պարզվեց, վոր վոչ միայն գյուղատնտեսը, այլև մի քանի ուրիշ ազիտատորներ այդպես են հասկացրել կոլխոզի բոլոր անդամներին: Այնպես, վոր կոլխոզի նախագահն ու քարտուղարը նույնպես պատկերացնում են, թե իբր յուրաքանչյուր կոլխոզնիկ ստանալու յե, աշխատավարձից բացի, նաև բոլոր կենսամթերքները ձրի: Այդպես եր ըմբռնել հարցը նաև Բենիկը և ինձ հետ վիճեց այդ առթիվ մինչեվ Ալափարս, մեղադրելով ինձ կոլխոզի շարքերում անտեղի կասկածներ առաջացնելու մեջ:

— Ընկերներ, — սկսում եմ նորից իմ բացատրությունը, — յես չգիտեմ, թե գյուղատնտեսն ինչպես է բացատրել, յես չգիտեմ, թե ով ինչպես է հասկանում, բայց ճիշտն այն է, ինչ վոր յես ասում եմ: Մեր կոլեկտիվը կոչվում է յերկրորդ տիպի կոլեկտիվ, այսինքն՝ գյուղատնտեսական արտել: Մենք կիրառելու յենք աշխատավարձի սխեման: Թե ինչու յենք կիրառում, դուք այդ գիտեք: Հետեվաբար, անհնարին բան է կոլխոզի յեկամուտը ձրի բաժանել: Հասպա տշխա-

տավարձը վորտեղի՞ց կվճարենք: Ձե՞ վոր հենց այդ յեկամուտն է, վոր բաժանելու յենք իբրև աշխատավարձ: Եթե մենք ամբողջ յեկամուտը ձրի բաժանենք կոլեկտիվի անդամների մեջ, այն ժամանակ աշխատավարձ չենք կարող վճարել, այսինքն՝ մեր կոլեկտիվը կդառնա վոչ թե արտել, այլ կոմմունա: Յես ձեզ արդեն ասել եմ, վոր մենք այժմ չենք կարող անցնել կոմմունայի և այդ դուք հրաշալի հասկանում եք:

Այնուամենայնիվ մի շարք կոլխոզնիկներ, միանգամայն հարազատ մարտիկ, վոչ մի կերպ չկարողացան պատկերացնել, թե վո՞նց կարող են իրենք իրենց արպատկերացնել, թե վո՞նց կարող են իրենք իրենց արանավանդ կանայք չեյին կարողանում այդ ըմբռնել: Նըրանց կարծիքով՝ արտը, կովը, ցորենն ու կաթը տալիս են ձրի, վորովհետև իրենց աշխատանքը նրանք չեն գնահատում իբրեվ արժեք: Մակայն նույն այդ աշխատանքը փոխադրելով կոլեկտիվի մեջ՝ նրանք արդեն արժեքավորում են: Դրա համար են պահանջում և աշխատանքի արժեք աշխատավարձ և ձրի յեկամուտ: Քաղաքատնտեսական այս թյուրիմացությունը վոմանց մոտ այնքան համառ եր բուն դրել, վորի գեմ անողուտ զտնվեցին իմ բոլոր պարզաբանումները: Մանավանդ վոր այդ թյուրիմացությունը նախորդ հաստատված ու ամրապնդված եր գյուղատնտեսի և մի քանի ազիտատորների կողմից:

Այս թյուրիմացությունից ծայրահեղ ճարպիկությամբ ողտվում եյին կոլեկտիվի թշնամիները: Չարախընդորեն նրանք հասկանում եյին, վոր և գյուղատնտեսը, և մյուս ազիտատորները և կոլխոզի տեղական ղեկավարները թյուրիմացաբար խաբել են կոլխոզի անդամներին, և վաղ թե ուշ այդ թյուրիմացությունը

նը կբացվի: Յես նոր ըմբռնեցի այն շարախնդաց ուրախությունը, վորով Յերամը կրկին բացականչեց.

— Յես չասացի՞... փողով են ծախում ելի՞...

— Մեզ խարում են, հիմարի տեղ են դրել, — հնչեց յետեվի շարքերից:

— Ամեն մեկը մի բան է ասում...

— Գնանք, — գոչեց հաղթանդամ Յեղնակը և յետեվի շարքերը նորից հորդեցին դեպի դուրս:

— Դինդոն, դինդոն, դինդոն, դինդոն, դինդոն, դինդոն, դինդոն... մուլեզնած շարունակում եր ժամի զանգը:

— Չահրումար, — բացականչեց կատաղությամբ մի յերիտասարդ. — դու ի՞նչ ես ձենդ գցել:

— Լեզուդ քեզ քաշի, ընկեր Թելոս, — պատասխանեց նրան Լեվոն Մարտիրոսյանը, — ի՞նչ իրավունքով ժողովրդի հավատը հայհոյում ես: Խորհրդային իշխանությունը քեզ թույլ չի տալիս, վոր ժամին անպատվես: Գնանք, ախպեր, եստեղ մնալու տեղ չի: Մի քիչ լե մնանք, մեզ կնիկ ել կհայհոյեն:

Ու Լեվոնը վեր կացավ՝ իր յետևից քաշելով նաև միջին շարքերը:

— Ընկերներ...

— Ընկերներ...

— Ընկերներ...

Հերթով գոչում ենք յես, Բենիկն ու Գրիգորը: Բայց դահլիճը հոսում է դեպի դուրս:

— Սպասեցեք... ինձ համար անձանաչելի ձայնով աղաղակում եմ յես:

Հոսանքը դադարում է:

— Դինդոն, դինդոն, դինդոն, դինդոն...

— Ընկերներ, Ղարաջորանի կոլխոդներին, մի՞թե դուք յենթարկվում եք ձեր թշնամիների ստոր պրոփոկացիաներին: Մի՞թե դուք կարծում եք, վոր խորհրդային իշխանությունը ձեզ կխաբի ու կշահագործի, մի՞թե կարծում եք, վոր բանվոր դասակարգը ձեզ կխաբի ու կշահագործի: Ո՞վ եր ձեզ ազատեց պատերազմից ու դաշնակիների արյունոտ լծից, կուլակի արյունածարավ ձանկերից — բանվորները, խորհրդային իշխանությունը: Յեվ այսոր դուք չե՞ք լսում բանվոր դասակարգին, գնում եք ձեր յերեկվա ու այսորվա թշնամիների յետեվից: Գնացողները թող գնան: Մենք մնացողների հետ կվերջացնենք աշխատանքը: Այսոր ջոկվում են բարեկամն ու թշնամին: Բանվոր դասակարգի իշխանությունը կարող է ջախջախել իր թշնամիներին:

Վերջին խոսքերն սպառնալից բնույթ էլին կրում: Հակառակ իմ կամքի ձայնս նույնպես սպառնական յեռանդ ստացավ: Դահլիճը կրկին կայունացավ:

— Ընկերներ, — շարունակեցի յես, — ով ցանկանում է դուրս դալ կոլլեկտիվից, թող գնա, վորպեսզի մենք շարունակենք ժողովը:

Վոչվոք տեղից չչարժվեց:

— Շարունակում ենք ժողովը, — հայտարարեց Տիգրանը, — ո՞վ է ուզում հարցեր տալ:

Տրվեցին մի քանի սովորական հարցեր, վորոնց յես պատասխանեցի:

Դահլիճից դուրս գնացողները տեսնելով, վոր մասսային չկարողացան տանել իրենց յետեվից՝ ելի կամաց-կամաց վերադարձան դահլիճ:

Յես զգացի, վոր կոլխոզը ձեռքից տալու յերկյուղըն ինձ դրդել եր ավելորդ խոսքեր ասել և անուղղա-



— Արշակ Սահակյանն ինչո՞ւ կուտակցութեան մեջ  
չէ, — հարցրի յես կամաց Գրիգորի ականջին:

— Անգրադետ ե, — պատասխանեց նա:

— Վոչինչ, պետք ե ընդունել նրան և գրադիտու-  
թյուն սովորեցնել:

Արդեն հաճախում ե լիկկայան:

Իմ ձայնը վերջնականապես սպառված եր: Ուստի  
Բենիկն եր պատասխանում հարցերին: Յես սպասում  
եյի, վոր ձայնս հանգստանա ու յես կրկին բացատրեմ  
կոլխոզնիկներին կոլխոզարժման կամավորությունը:  
Յես առիթ եյի վորոնում շտկելու իմ քիչ առաջ կատա-  
րած սխալը, վորն այնքան ծայրահեղորեն շարունա-  
կեց ու խորացրեց Բենիկը:

Բայց ուրբաթն ավելի շուտ յեկավ, քան շաբաթը:  
Յեաեի շարքերում կրկին աղմուկ բարձրացավ և մի  
խումբ կանայք «յոթ ծովի մերան»-ի գլխավորու-  
թյամբ այնպես լցվեցին դահլիճն, ինչպես սելավից  
վարարած գետն ե խուժում ծովը՝ առաջացնելով կա-  
տաղի հոսանք: Յեթե տղամարդկանց վրա կարելի յեր  
ազդել խոսքով, խնդիրքով, աղաղակով, սպառնալիքով,  
ապա կանանց վոչինչ չեր ազդում: Մնում եր թողնել,  
վոր առաջին պահ մի կուշտ գոռգոռան, ծկլթան, բը-  
ղավեն, ճղավեն ու հանգստանան կամ հոգնեն:

Յեվ կանայք սկսեցին հետզհետե առաջանալով ու  
ձայները բարձրացնելով:

— Մեր կթանի մասուլը մեզ փողով եք ծախում,  
հա՞...

— Մենք մեր յերեխաներին չենք տա, վոր տանեք  
բաղաք ու ծախեք ամերիկացիներին...

— Հարյուր մետրանոց յորդանի տակին չենք ու-  
ղում քնել:

— Մենք կոլեկտիւր չենք ուղում...

— Ձենք ուղում, չենք ուղում...

Ամենից բարձր ծկլթում եր «յոթ ծովի մերանի»  
ձայնը:

— Ձեններդ միք կտրի, կնանիք, գոռացեք... մահ  
կամ աղատություն:

— Դինդոն, դինդոն, դինդոն, դինդոն, դինդոն,  
դինդոն, դինդոն, դինդոն, դինդոն... շարունակում եր  
ժամի զանգն իր մոյեզին կանոնադան:

Վողբալի յեր Քեռի Պողոսի վիճակը: Տեսնելով իր  
կնոջը ցուցարար կանանց իմրի մեջ՝ նա ոճից խայթ-  
վածի պես վեր կացավ և ձեռքով, վոտքով, աչքերով,  
ունքերով, ձայնով սաստում եր նրան, վոր լուի, կամ  
դուրս գա ժողովից:

— Այ կնիկ, այ սարսաղ, մի խայտառակի...

Բայց Անթառամ քիքերը չեր լսում: Նրա ձայնը  
կորչում եր մյուս կանանց բազմաբզետ ճղավոցների  
մեջ: Միայն յետ-յետ գնացող շրթունքներն ու մերկա-  
ցող լնդերն եյին յենթադրել տալիս, վոր Անթառամ  
քիքերը նույնպես բղավում ե:

Քեռի Պողոսը տեսնելով, վոր կինը վոչ մի նշան  
ցույց չի տալիս յենթարկվելու իր հրամաններին, ձեռ-  
քը հուսահատորեն թափ թվեց ու նստեց: Նա վորոչեց  
կնոջից վրեժը լուծել 3, 4, 5, 6 որ «բերանը դահրու-  
մար չդնելով»: Յեվ իրոք այդ միակ միջոցն եր, վորից  
ազդվում եր Անթառամ քիքերը:

Ցուցարար կանայք հաղիվ 15 հոգի լինելին, բայց  
այնպիսի մի աղմուկ եյին բարձրացրել, վոր կարծես  
հազարավոր կանայք եյին բղավում: Տղամարդկանց  
համար անհարմար եր, ավելի ճիշտ, անհնար եր դի-  
մադրել կանանց այդ զազազած գրոհին: Կանայք շատ

լամ դիտեցին, վոր խորհրդային իշխանութեան մեջ իրենք ոգտվում են բացառիկ ուշադրութեամբ ու հովանաւորութեամբ և իրենց այդ նվաճումն այժմ ողտազործում էջին այդ մի խումբ կուլակ ու յենթակուլակ պառաւմները: Նրանց մեջ կար միայն մի յերիտասարդ էին, վոր անասելի ուժով անընդհատ ճշում էր: Դա Գեղամ Զիլիֆյանի էինն էր:

— Դու ինչո՞ւ յես ճշում, Զիլիֆի հարս, — իբ ամբողջ կոկորդով ճչաց Արաքսը, — դու ել հո կոլխոզի անդամ չե՞ս:

Զիլիֆի հարսն ուզեց հարձակվի Արաքսի վրա, բայց դեմը կարեց ուսուցչուհին: Դահլիճում նախապես հավաքված էջին յոթից — տաս ակտիվ կանայք, վորոնք կոլխոզի գլխակից կողմնակիցներ էջին: Դրանց թիւումն էջին նաև Սոնա քիքիրն ու Տիգրանի էին Սիրուչը: Մեր բանակի կանայք փորձեցին դիմադրել կուլակուհիներին այդ ծիլթան գրոհին, բայց շուտով յես հասկացա, վոր դրանից կարող է միայն տուր ու դմիոց առաջանալ և ժողովը վերջնականապես պայթել: Զիլիֆի հարսը և «յոթ ծովի մերանը» ձգտում էջին դեպի կոլխոզական կանանց խումբը հենց մաղ փետեղու նրպատակով:

Յես ձեռքի նշանով ինձ մոտ կանչեցի Գեղամ Զիլիֆյանին:

— Յեթե հենց այս րոպէյիս դուրս չտանես քո կնոջը, քսանչորս ժամվա ընթացքում կթոչես գյուղից:

— Ընկեր վահան, յես կրնամ կնկան գոռի, դուք կըսեք կնկա ազատութիւնն ա, ենիկ յես ժողով ի եկե:

— Գո կնկա ազատութեան մասին չի խոսքը:

— Առանց այլեւայլաթեյան կնոջը հեռացրու գոռ: Ինչից: Հանաքի ժամանակ չի:

— Իրավունք կիտամ ք տիեմ: Հարի չտիեմ, դուրս յի գա:

— Մի յերկարացնի:

Գեղամ Զիլիֆյանը դարձավ դեպի իր կնոջը:

— Սրգեյի աղջիկ, ձենդ կարի յես, յա՛... տուն դնա:

— Դուք իրավունք ունե՞ք ընձի տուն խրկեք...

Դուք իրավունք ունե՞ք ընձի ճնշեք, — բղավում էր Սըրգեյի աղջիկը, այլանդակելով իր բնականից սիրուն ու փոքրիկ բերանը:

Բայց Գեղամ Զիլիֆյանը սովոր չէր, վոր իր հրամանը մնար անկատար, են ել իր սեփական կնոջ կողմից: Ուստի վճռական մի շարժումով բանեց կարճիկ կնոջ թեւը և յերեխայի պես քաշ ավեց դեպի դուրս: Երա որինակին հետեւեց նայել քեռի Գողոսը՝ հարձակվելով իր պառավի վրա: Բայց մենք նրան թույլ չտվինք: Արդեն կարեք ել չկար քեռի Գողոսի միջաշտիկը: Արդեն վոր ցուցարար պառաւմները Զիլիֆյանի կնոջ յետեւից դուրս դնացին: Ըստ յերկութիւն քանի կնոջ յետեւից դուրս դնացին: Ըստ յերկութիւն քանից գորավարը Զիլիֆի հարսն էր: «Յոթ ծովի մերանը» դռների մոտ մի անգամ ել յետ դարձավ ու գոռաց:

— Մահ կամ ազատութիւն:

— Դե կորիր քո «մահի» ու քո «ազատութեան» հետ, — գոռացին դահլիճից, ու «յոթ ծովի մերանը» կէկջալով հեռացավ:

Տերտերը շարունակում էր մոլեղին գանգաւարել: Տեղանց յետեւից դուրս դնացին նաև Յեգնակը, Յեգանանց յետեւից դուրս դնացին նաև Յեգնակը, Յեգանանց, Սերտը, Գալուստը՝ կոչ անելով մասային:



Բայց այս անգամ զչերը հետևեցին նրանց: Արշակ Սահակյանն առաջարկեց ղռները փակել և այլևս վոչ վոքի ներս չընդունել: Առաջարկն անցավ ծափահարութեամբ: Կոմյերիտականներ Անուշավանն ու Գերասիմն իսկույն կանգնեցին ղռների մոտ:

Նոր հարցեր այլևս չտրվեցին: Մենք անցանք քվեարկութեամբ:

—Ընկերներ, — հայտարարեց Գրիգորը—բջիջի և չքավորական խմբակի առաջարկն և կթանները միացնել հարյուր տոկոսով: Ուրիշ առաջարկ չկա՞:

—Ընկերներ, — ձայն ստանալով հայտարարեց Գեվոն, — յես ասում եմ ես տարի կթանները չմիացնենք: Տեսնում ե՞ք, կնանիք խեղդում են մեզ: Յես ասում եմ, ընկերներ, ես տարի հլամ մի քիչ ամրանանք, նոր դալ տարի, կամ աչնան կթանները միացնենք:

—Ուրեմն յերկու առաջարկ կա, ընկերներ, քվեարկում եմ:

— Ինձ ձայն տաս, — Ժպտաց Սամսոնն առաջին նստարանից, — ընկերներ, յես եսպիսի մի առաջարկ անեմ, վոր կնանոց սիրտն ել չմնա, բջիջի՞նն ել: Վոնց վոր մեր կուսակցութունն ա ասում՝ վոչ աջ ըլի, վոչ ձախ: Յես առաջարկում եմ մեկական կով, կամ 5-ական վոչխար թողնել ամեն մի տնտեսութեան, իսկ մնացածը դիփ միացնել:

—Այ, լավ սոսաց, — ձայն տվին մի քանի կողմից:

— Յես իմ առաջարկը միացնում եմ ընկեր Սամսոնին, — հայտարարեց Գեվոն, այսինքն յես ել եմ ասում մեկական կով կամ 5-ական վոչխար թողնենք, մնացածը միացնենք:

Սամսոնի առաջարկն սոսացավ ձայների բացարձակ մեծամասնութուն: Ուստի կարիք չզգացվեց մնացած առաջարկները քվեարկել:

Ինուն ծափահարութեամբ հաստատվեց չքավորական խմբակի վորոշումը՝ կոլխոզի դեմ պայքարող կուլակներին սեփականագրկելու և գյուղից աքսորելու մասին:

—Ընկերներ, — ձայն առավ Թևոսը, — յես առաջարկում եմ աքսորել նմանապես նաև այն միջակներին ու չքավորներին, վորոնք կուլակի տան մածուն են ուսում և կուլեկտիվը քայքայում:

— Ճիշտ ա՛, — բացականչեցին մի քանի յերիտասարդ:

Յես ձայն խնդրեցի: Լավագույն առիթն եր շտկելու իմ կատարած սխալը:

— Ընկերներ, Թեվոսը սխալվում է: Մենք կուլակներին և չքավորներին ու միջակներին միևնույն աչքով չենք նայի: Կուլակը մեր դասակարգային թշնամին է, չքավորն ու միջակը մեր դասակարգային յեղբայրներն են: Կուլակի շահն է զրոգում նրան կովել կուլեկտիվի դեմ, իսկ միջակն ու չքավորը կովում են հաճախ անգիտակցաբար, կուլակի պրովոկացիային զոհ գնալով: Այդպիսի մոլորվածներին մենք նախ և առաջ աշխատում ենք համոզել, դասակարգային գիտակցութեան բերել: Իսկ յեթե հակառակ մեր ընկերական ոգնութեան՝ այդպիսիները շարունակեցին իրենց դավաճանական գործը, մենք նրանց պատժելու ձեվեր կգտնենք: Բայց նախ քան պատժելը, մեր պարտականութունն է նրանց համոզել: Կուլակին առանց խնայելու, խղճալու, անմիջապես խտրում ենք, իսկ մոլորված միջակին ու չքավորին նախ և առաջ համոզում ենք: Վորովհետև կու-

լակի շահը թույլ չի տալիս, վոր նա համոզվի, իսկ  
չքաղորի ու միջակի շահերը նայաստում են, վոր նրանք  
համոզվեն:

Մենք աշխատում ենք և պետք է աշխատենք միայն  
ու միայն համոզելով կամավոր կերպով գրավել կոչ-  
վելիս չքաղորին ու միջակին: Ուրիշ կերպ սխալ կը-  
լինի: Ով վոր զոռ է բանացնում, վախեցնում է, նա մեր  
կուսակցութեան և խորհրդային իշխանութեան դժին  
հակառակ է գնում: Կոլլեկտիվից դուրս մնացած կամ  
դուրս յեկող աշխատավոր գյուղացիներին նույնպես  
մենք չենք համարում մեր թշնամիները, նրանց վրա  
խորթ աչքով չենք նայի: Մենք անկեղծորեն նրանց  
համարում ենք մեր դասակարգային յեղբայրները, վո-  
րոնք դեռ չեն հասկացել կոլլեկտիվ տնտեսութեան բար-  
ձրը նշանակութունը: Մենք ամեն աշխատանք կթա-  
փենք, վոր նրանք շուտ հասկանան: Հենց վոր նրանք  
հասկացան, իսկույն կզան կոլլեկտիվ:

Նույնը յես պետք է ասեմ, ընկերներ, կրոնի և  
ժամի մասին: Մեր իրավունքն է ու մեր պարտականու-  
թյունը դյուղական մասսային համբերութեամբ ասել,  
բացատրել, թե կրոնը սուտ է և վնասակար նախապա-  
շարմունք, թե յեկեղեցին միայն մթադնում է մարդու  
գիտակցութունը, վորպեսզի նրան ավելի հեշտու-  
թեամբ շահագործեն տերտերներն ու կուլակները, կա-  
պիտալիստներն ու կալվածատերերը: Մենք մեր հա-  
կակրոնական ազիտացիան տանում ենք, առանց կոպիտ  
կերպով հայհոյելու, առանց վիրավորելու հավատա-  
ցյալ մարդկանց գգադմունքները: Մենք աշխատում  
ենք, վոր մանավանդ կոլխոզնիկ մասսան շուտ կորոյի  
կրոնից ու ժամից: Իսկ յեթե մի կոլխոզնիկ դեռ նա-

խաղաղարված է ու շարունակում է դեռի յեկեղեցի  
գնալ ու աղոթել, ապա մենք դրա համար նրան չենք  
հեռացնի կոլխոզից ու չենք պատժի, այլ կհամոզենք,  
կտոյորեցնենք: Մենք գիտենք, վոր վաղ թե ուշ նա  
կհամոզվի, գիտակցութեան կզա ու կդադարի դատարի  
բաներին հավատալուց:

Ի վերջո՞ յեթե դու կամենում ես մեկին լավութուն  
արած լինել, պիտի նա համոզվի նախ և առաջ, վոր  
քո անելիքը լավութուն է և վոչ թե վատութուն:  
Յեթե նա այդ բանում չհամոզվի, դու ինչպիսի լավու-  
թուն ել ուզում ես արա, նա դեն կչարտի:

Շատ շնորհակալ եմ, ընկեր ջան, բացականչեց մի  
ալեխառն դյուղացի, ուզում էյի դուրս գալ կոլլեկ-  
տիվից, վախում էյի: Վոր եղպես ասիր, սիրտս հան-  
դրասացավ: Հիմի ինդրում եմ ինձ դուրս գրեք:

— Ես շնորհակալ եմ, — ասաց մի ուրիշը: Իսկ  
յես կարծում էյի, թե զոռով են կոլլեկտիվ գրում, դրա  
համար ել ուզում էյի դուրս գալ կոլլեկտիվից: Բայց  
հմի վոր զոռով չի, այլ աղատ կամքով ա, ախպեր,  
դուրս չեմ դա ու հարեվանից չեմ բաժանվի:

— Կանաչի դքու մոր մեջը, հընկեր Վահան իմալ  
բերեց ու կապեց, վոր դուրս յեկողը հանգիստ սրտով  
դուրս կիզա, մնացող լե հանգիստ սրտով կմնա:

— Հը, հը, հը... Աղախան բիճան չորերը հանեց, —  
ձե տվալ դահլիճը:

— Ձե, ախպեր, — պատասխանեց Աղախան բիճան: —  
Ես հալա աչք կիտամ:  
Ժողովը վերջացավ



Ց Ա Ն Կ

82

Կածանը.—ԱՐՄ . ԹԱՄԱԶՅԱՆ	3
Աղջի ջան.—ԱԶԱՏ ՎՇՏՈՒՆԻ	35
Մարոն ու Սարոն.—ԱԶԱՏ ՎՇՏՈՒՆԻ	36
Քառյակներ.—Ն. ԶԱՐՅԱՆ	38
Քառյակներ բամբակացանին.—ԱԼԱԶԱՆ, Վ. ՆՈՐԵՆՑ, Ս. ՏԱՐՈՆՑԻ	43
Սերոբի արտը.—Գ. ԴԵՄԻՐՃՅԱՆ	50
Զրույց Ռեան ամու ... մասին.—Գ. ՄԱՀԱՐԻ	56
Բերքի տունին—իմ Անտոնին.—ԽՆԿՈ ԱՊԵՐ	63
Յես նուռ եմ.—Ս. ՏԱՐՈՆՑԻ	66
Հունձը.—Ն. ԶԱՐՅԱՆ	67
Հնձվորը.—Ն. ԶԱՐՅԱՆ	68
Արեվն յերավ.—ԱՂԱՎՆԻ	69
Ես բերքը բարինա.—Վ. ՏԱԼՅԱՆ	70
Պատմում ե 25 հազարականը.—Ն. ԶԱՐՅԱՆ	71



ԳԻՆԸ ԶՕ ԿՈՊ

154

БОЛЬШЕВИСТСКИЙ  
ВЕСЕННИЙ СЕВ  
ГМЗ СССР 1931 ЗРИБАНЬ

«Ազգային գրադարան»



NL0389326

71.655

